

石城縣志卷六

涇縣朱一謙纂輯



人物志

鄉賢 忠臣 孝子 友恭 文儒 儒行 武畧

義士 隱逸 仙釋 頤壽 方技 寓賢 列女

類傳 旌善

太史公曰富貴而名磨滅不可勝紀惟凋儻非常之人稱焉顧人必凋儻非常而後稱是猶飲食必駝峯熊白衣服必紈綺織纈布帛菽粟皆可廢已豈通論哉石邑提封百里鄉賢忠臣孝子彪炳一時尚已其以文行著

石城縣志  
以武事顯見義必為守貞不二之儔雖萍踪流寓猶必  
表其芳徽矧梓里聞人哉至于樂泉石遺榮名振衣白  
雲皈依金粟亦為古今所稱道餘若百年人瑞因以見  
聖朝仁壽所徵一技之長亦以示小善必錄因附載焉作人  
物志

鄉賢

宋

陳晉公恕宋太宗太平興國三年戊寅第進士太宗淳化  
二年辛卯四月叅知政事癸巳閏十月帝罷鹽鐵戶部  
度支三使分天下郡縣為十道以恕為總計使魏羽為  
左計使董儼為右計使中分十道以隸焉而各道則署  
判官以領其事凡涉計度者三使通議之恕言官司各  
建政令互出難以經久帝不聽後果不便乃罷之以三  
司兩京十道歸三部各置使甲午九月以恕為鹽鐵使  
時帝留意錢谷恕有心計釐去宿弊帝深器之親題柱

曰真鹽鐵陳恕每使殿奏事帝或未察形之謂讓恕  
踧踏退至殿壁侯帝意稍解復進慤執前論終不易帝  
亦多從之及真宗即位命條具中外錢穀以聞恕久不  
進屢詔趣之恕對曰陛下富於春秋若知府庫充實恐  
生侈心是以不敢進也帝嘉之恕久領三司咸平六年  
癸卯六月以疾固求館穀之職帝曰卿求一人可代者  
聽卿去耳恕薦寇準及準至三司簡尋恕前後改革興  
立之事類以為冊及其所出榜別用新板躬至恕第請  
判押恕亦不讓一一押之自是計使無不循其舊貫恕  
精於吏理深刻少恩人不敢干以私掌利柄十餘年彊

力幹事胥吏畏服恕子五孫二皆顯貴

郭志  
祠祀

按辛酉郡志因宋史載陳恕籍南昌遂疑恕非本邑  
人且以為無甚確據詎知恕之在石雖無後裔足徵  
而可攷信者如宏治辛亥志載替善陳羽慶系譜云  
恕曾大父墓石城迎恩石下生三子長曰嵩次曰禪  
幼曰勝嵩即恕大父嵩子光嗣實生恕後徙居南昌  
郭志載縣西二里少師祠祀陳恕宋乾道四年戊子  
邑人徐岳等重修城內進士坊少師坊俱為陳恕立  
其他散見諸說者又如夷堅志載石城永福寺對面  
有邱壠高且十丈相傳為陳恭公祖墓魚鱗冊載田

名相公祖距迎恩石五里因怒曾祖郭志誤墓許名

洪武中邑令邵子鏡自記重修陳少師祠有曰落成

司訓公諱過即楊士奇歿予及貳幕諸君於其間酒酣拈

真監鐵三字分賦凡此皆實蹟確鑿非等無稽夫姐

豆則有公私二祠表宅里則有枋楔二座墓隧則有

荒壠數邱明乎陳怒者籍則南昌人固本邑政不妨

各載其志者也矧夷堅志為洪邁所作邁去怒非遙

又同為豫章人乾道中守贛後守楚時與陳敏同官

敏死為作墓誌怒屬敏里先達其華貫之是否邁未

有怒然不相訊者使怒非邑人恭公怒長子石城有

陳恭公祖墓語邁當不漫入筆端也舊志訂郭志辨疑

温 革字廷斌相中里堂下人寶元中詣闕上書願捐家

資盡市監書以惠後學既得請携書歸建樓貯之闕義

館以來遠近之願學者仍儲廩以給口食經始之日獲

五銖錢五萬於地中遂以青錢名其館祀贛郡濂溪書

院正學祠江西通志併詳文儒祠祀

温 勛字成勞石上里人由進士官山東副使文行並著

人目為温夫子郭志祠祀

陳 敏字元功天資雄傑歷樹武功生平以忠孝自任性

不嗜殺所獲賊止誅首惡好賢禮士撫軍恤民皆樂為

之用公餘手不釋卷嘗慕范文正公貴能施貧活族俸  
祿之餘輒以濟人凡有喪不能舉婚嫁不能畢者周之  
有半面識赴謁者量給之交遊中有傑才者舉而官之  
宋孝宗嘉其忠誠眷顧殊渥於重九日召宴賜敏詩末  
句云茱萸插鬢知人少談笑須卿一解頤比死無一語  
及家事但曰死不足惜所恨者謬膺寵眷君恩未報也

郭志  
祠祀

陳

琚

詳忠臣  
祠祀

陳

瓊

詳忠臣  
祠祀

元

劉元杰

詳武畧祠祀  
并祀義士祠

明

胡

莊字子敬正統間以貢授潯州推官威信素著大藤

蠻奪去巡檢印莊往撫諭印即送還叅軍范某被誣力

為辯釋范懷金謝却之乞歸人感其德祠祀之

通志祠  
祀并祀

義士  
祠

溫

卓字時仰號橫溪以選貢授四川馬湖府推官歷署

州縣篆及奉委採木并查盤各府不受一錢至鑿險路

以便往來築石渠以資灌溉人尤德之歸田後饜飧不

給嘗為流寇掠去問知姓名曰清官也釋之

通志  
祠祀

溫伯瑞

詳孝子祠祀  
并祀孝子祠

熊夢良

詳孝子祠祀  
并祀孝子祠

熊懋官

詳文儒  
祠祀

黃

質字月山以太學生授南直隸泰州州同時遭歲凶

悉以月俸濟民又彙荒政之策民得全活海倭蹂躪廣

陵中丞唐順之檄質督戰質躬冒矢石李水師拒戰致

疾歸里年八十餘

王志  
祠祀

陳師仲字天常大琴人弱冠通經術萬曆四年以選貢授

武義知縣縣多豪家師仲至訪東萊呂成公墓墓據於

豪而不得師仲齋戒宿山越二日雷震豪墓出呂碑師

仲懲豪修呂墓生員王世名手刃父仇而歸死師仲曰

孝子也不可令對獄卒別館之上其事大僚嘉其知風

教之道事詳明紀民有徐順者父死不知其仇為宿隍

廟神示以荷葉盛條及鞠書荷條二字於案門吏驚愕

因嚴詰具以實吐曰殺人者妻父何韜也遂伏其辜在

任五年多善政雪死犯何達之冤却監商徐某千金之

獻歸後民舉祀名宦

祠祀

陳即登字太摩為陽江令時黎喬自相小聞大吏欲乘機

伐之以媒功利即登堅不奉檄大吏怒由是左遷廣西

按察司照磨比至求文者戶外履滿所得俸平分與弟

石城縣志 卷之六  
歸田放懷詩酒郭志祠祀

周 劉號樓峯睦族和鄰量能容物為教官二十九年歸

以禽魚詩酒自娛娛客襟期豁達逸品也上憲獎其善

壽九十有二郭志祠祀

溫春魁詳旌善祠祀

尹 詔詳忠臣祠祀并祀忠義祠

國朝

鄧斗光詳通志祠祀并祀孝子祠

黃日曦字暘谷北關人順治選貢讀書尚氣節常為一邑

倚賴與同郡魏際瑞兄弟易學實為文字交己丑冬張

自盛寇城焚掠曦徒跣七日夜沿山徑走賴乞師中途

為賊所獲以計脫身親鄉導官兵至賊遁城乃全修學

宮首捐金二百兩樂善好義拯人於厄然不自見其德

通志祠祀并祀義士祠

黃 鎔字式陶北關人父日暉中年艱於舉子先嘗以兄

子鏞為嗣已而生子鐸旋又生鎔日暉之歿也二子俱

幼母曾撫而成之家庭之間孝友篤愛而鎔之待鏞尤

厚分已產與之均鏞無子為買妾終不能育乃以已幼

子嗣之所居山庄林嵐可人兄鐸素好山時時迎致曲

盡怡怡之樂為諸生有文名歲薦家居二十年里人推

重舊志祠祀

李喬字干直丹溪人歲貢任安義訓導學行純粹課士  
 有聲當事請主教鹿洞講論一秉朱子遺規以親老告  
 歸終養後補任弋陽訓導歷署教諭事學者胥化祠  
 按邑鄉賢之祀如朱溫卓陳敏載在史冊尚已其餘  
 丰標卓卓不愧俎豆其中第有逸而未祀者舊志所  
 擬特祀敏父陳皓身率義兵擒斬三李增築城垣奠  
 安里社實首其事乃歷今幾近百年而前議猶未舉  
 行豈非報功之缺乎志

忠臣

宋

陳琚字奉先敏之曾孫倜儻有英概仕至襄陽帥府法  
 簡咸瀉癸酉春呂文煥以襄陽降元琚爭之弗得阿朮  
 兵入城琚率子學文妻劉安人偕死焉郭志祀

陳瓊字昭先琚之弟由里選貢入成均授懷仁縣令振  
 廢弛拊瘡痍當德祐己亥春元兵壓安慶路守者風靡  
 懷仁城陷瓊矢不貳奉妻死之郭志祀

巫雙瑞字祥卿號雲巖迎恩坊人登宋淳祐庚戌方逢辰  
 榜尚理宗公主內宮監院駙馬光祿上卿統理諸軍都



督因病勅賜歸里當就迎恩坊小河背內宮禪院夫婦  
奉佛報恩後宋祚天傾雙瑞痛傷望闕長號投環自盡  
大元追籍遺裔易巫而黃至今郭北黃氏即其苗裔也

明

尹 詔字蘭渚大畚人崇禎乙亥拔貢廷試第一授推官

初除衡州尋改永州有賢明聲擢兵部車駕司主事時

秦寇猖獗詔陳言忤時相譴歸甲申之變不食卒

通志  
祀鄉

賢

廖應兆字太初號聖符豐上里小松人素履樸質率其宗  
支力務勤儉因是族無貧人多子於由萬曆癸卯鄉薦

判南直太平府歷署廣德諸州邑復司漕造舟皆有賢  
能聲陞遼州知州親老乞終養歸善事繼母所得宦索  
與異母弟均之明末避寇奔盱李自成陷燕京應兆聞  
知悲慟致病卒邑令董應譽謨碑寧都魏書有傳鄒

Blank columns for text on the right page.

孝子

宋

陳學文襄陽帥府法簡陳瑒子精騎射元阿朮薄城學文率家丁晝夜督守呂文煥以城降學文義激趨刃文煥人報父母偕亡棄刃墜城死

宋史

明

熊麻進賢坊人嘉靖四十年寇亂父理為賊執麻奔入賊營願以身代父子皆見殺僕恩就賊丐二主屍賊義許之負屍歸塋

郭志祠祀

黃用見居父母喪廬墓三年嘉靖乙酉旌表建孝子坊刻

文於墓前在長上里睦富馬料坑

溫伯瑞字南峯石田人母蚤歿父被仇誣坐大辟瑞年九

歲日夜哀號有容聞而心傷之詔父可出之路因隨容

入京間關萬里奏父冤狀既而得白瑞寧家年十九矣

父出獄後孝養不離左右尤好購名書喜吟咏以娛親

不願仕進邑大夫廉其孝行賓禮之卒年九十二

賢孝子  
二祠

陳 綱字月塘大琴人有至性執父母喪哀毀如古禮受

先人遺業推肥居瘠兄弟友愛數十年如一日

多惠政士民德之劉世瑞為撰遺愛碑

祀祠

陳

績字鹹泉月塘之弟以孝恭著父歿匍匐苦次墨瘠

幾不能起既葬廬墓側旦夕哭奠母喪亦如之兄弟不

忍分異金產相讓尤工於詩

祀祠

按贛州府志綱績兄弟同服食共筆硯四十餘年父

遺逸產三百餘石兄弟交讓卒授之妹父有遺金初

迷其藏一日綱得之私室不私啟同弟發之得金一

斛金有大小錠兄擇其大者歸弟弟曰金藏兄室父

之默予兄者也讓至再弟卒與兄均分後弟貧兄復

以私產百五十石杉木數萬遺之又舊志載兄弟因

資產而乖同氣者不少綱績義重財輕讓產讀金雖

古田姜不過馬特表以為後世範

熊夢良進賢坊人事繼母温氏無間所生出入必告為必

親嘗既歿痛哀尤切人以王祥比之祀祠

陳練事載儒行

黃表事載儒行

鄧林翹詳儒行祠祀

鄧斗光崇禎恩貢寢食程朱有劉靜修之風順治丙戌父

為寇執斗光兄弟乞以身代寇憫其孝舍之順治初徵

遺逸不赴纂修縣志祀祠

國朝

温自厚順治己丑流寇張自盛寇城厚父廷元被執自厚

詣賊營哀泣願以身代賊感其誠并賞之志王

陳福朗字伯明大琴人事親有至性家貧委曲承歡值明

季寇警避跡深山母病篤思肉食不得福朗乃割股奉

母以掌焚香哀禱七日母病竟愈比老股掌疤痕朗現

後居喪素食終三年如一日邑令王錫九獎其孝志舊

賴彝字次舟秋溪人以才名稱序貢當廷對彝年甫三

十以母病不往母終哀毀骨立已而檄訓龍泉雅意作

人士風為之一振卒於任祠祀賴鄉志見雜傳

賴一振秋溪人嘉謀之子事母以孝聞母宦家女曉大義

著六訓誨子五人振尤好義賑人急順治壬辰寇由鄰境滋害振傾家募人保聚井里壽九十六

祠祀巖郡志見雜傳

温 健字天行聳岡人明季諸生好學攻苦避寇荒村誦

所習春秋不輟居無几嘗夜篝燈於水缶手執卷琅琅同客者以聒耳詆之不恤也事寡母極色養之誠母過

八十始歿健亦髦矣水漿不入口者數日廬墓三年兄弟六人友于相篤曰報劬曰藻蒞者皆為邑僧人僧傳

中健尤與孚契先世嘗構寶仙奉為邑名刹剎黎健葺而新之其力學實踐究不佞佛以儒為宗里中式其德

行壽八十餘終

舊志祠祀

陳 銘字觀生邑廩生長樂人順治己丑城破母被執將

刃銘願身代賊憫其孝俱活之

舊志

許泰瀾許坊人母卒廬墓側蓬頭跣足吸粥茹蔬每晨起必手執巾櫛跪進盤匱然後上食哭奠廬中蓄雞犬各一亦皆效瀾啼號墓上服闋禫祭禮畢猶依廬不忍去越數月族戚力勸始歸乾隆二年

旌

表 王志祠祀

賴吉諒字乃貞秋溪人父歿遺腹生幼時即知孝養有蔬

菓先奉母然後自食掃父墓哀慟迫切見者涕下祖母七十餘患病數載不離床第凡糞穢衣褥必親洗盥及

石城縣志  
九  
歿代父寢苦枕塊三年不雜髮露蓋事祖母以色養得其歡心族黨無間言未幾積勞成疾臨終時囑婦曰吾病不起不能終事吾母汝其善辭吾志言畢而卒乾隆九年

旌表  
祠祀

溫秀達字桂茂石田人兩舉鄉賓幼篤至性以菽水承二人歡母病垂危百計罔愈虔禱灶神賜夢仙方立瘳親歿號泣三載哀毀骨立後以力苦成家遵父遺命為族構公私祖祠三大寢糜金數千各處捐田租二百餘石功竣日曰此先人志也老年孝思彌篤乾隆十年

旌表  
祠祀

賴君衍字昌期小弼人順治四年吳萬乾擄掠其鄉人皆逃竄昌期依父在後被獲將受害昌期哀告曰有銀若干求生我父子賊許之持銀六十兩賊不滿意允以生汝一人昌期知賊戾不能俱脫與忍父死寧忍身死乃諾以釋父去我為質再辨以贖因私謂父曰速去兒自有脫身計無為慮去數日賊俟不至怒其謊遂殺之時年二十九邑侯劉世禎以孝烈可嘉表其廬

賴文印字佩之長溪人監生順治丁亥廣東賊廖新明等至村以風怒大肆擄掠賴姓被害者十之七八文印父

石城縣志  
曲明造執印哭奔賊所願傾貲贖父賊不允復號痛願  
以身代賊感其義釋父殺文印族哀之為招魂葬并繼  
以嗣志

黃先唐迎恩坊人順治己丑城破母周氏陷賊先唐挺身  
闖入寇營母子俱死志

陳天賽字清字石上里上景人幼失怙事母盡菽水歡順  
治己丑邑城被寇母陷於賊賽貧無貲贖母詣賊營再  
三願以身代賊怒殺之既而悔曰此孝子也釋其母以  
歸母死後二弟招天賽魂葬於母之墓側志

陳嘉謀字蓋臣邑廩生大琴人事親至孝父性畏暑梁熱  
疾者屢築室山陰頤養顏曰瞻怙讀書數奇兩薦棘闈  
不偶常以不得榮親為憂順治己丑父為寇執奔赴乞  
代賊怒將刃引頸受戮賊義之父子俱得釋母李氏樞  
在堂火起率子弟號救身受重傷髮膚灰裂葬畢廬墓  
三年先是母在日孤姪為賊執母日夕悲啼冒險走  
千里重貲贖回更助祠祀田租二百餘石當事獎其孝  
友志

熊驥德城內人順治己丑張寇屠掠與父庠生尚統俱被  
寇執德年十五叩頭流血願以身代不許戮尚統賊散  
逃歸闔十二年庚子陡遇賊入城德縛賊訟於邑令郭

石城縣志  
鞠詢賊狀驥德以賊脇紅痣可証驗實杖賊三十驥德不服隨擊殺於南關外詣縣願伏法縣義而釋之廷

熊有廣人呼為廣古上柏昌人居城內東北間家赤貧捕魚為業能雕鏤小木為諸法相事老母手自炊饌每食必謹敬親奉母因病瘋狂喜怒不測有廣受棰顏色愈和悅常以母故取魚不敢越數里外母思飲食有廣即心動奔回事聞邑令王錫九獎其孝年七十餘語及母必流涕以貧不能娶終祀公義祠

張國魁字兆文父立奮五旬外瘋病拘攣痛苦卧床三十餘載魁撫摩色笑伺飲食時其便溺不懈一日父命往

高田友人留之宿以父病辭因留魁淚下若孩提狀父壽八十餘卒塋後朝夕詣墳拜哭羣鴉環集悲鳴人為孝感所致廷

賴上進烏石下人乾隆十九年

旌表  
祀祠

鄧國望字慕亭例貢生石田人性純孝父病育以舌舐其膜父死廬墓側黎明跪哭墓前乃歸省母如是者三年母死廬墓如初每夜半起烹湯哀號供奉則有群鴉相鳴噪人以為感及異類云乾隆四十一年

旌表  
祀祠



賴克信字友孚例貢生秋溪人賦性純孝誼篤天倫乾隆四十四年

旌表祠祀

姜大傅字樂旋監生職授州同羨溪人髫年父死哀感族鄰大傅庶出孝奉順承嫡母為之感動生母目盲日夕禱天舐以舌日復明母死日夜守墳哭時猛虎蹂躪大傅獨無恙蓋出以至性虎以馴伏云乾隆四十八年題請

旌表詳舊志祠祀

賴昌維字方隅監生秋溪人吉諒長子幼篤天性年十一

父喪粥不入口者數日祖母劉慟甚維始強食長繼父志克盡孝養數十年無怠容祖母死苦塊墨瘡者三年母黃哭泣傷目人告以闕省徐某善治維冒霜雪千里尋醫果得効維上事兩世守貞之母下撫昌維昌統兩弟艱辛萬狀網後列成均統天無嗣即嗣以己子以慰母心人稱其善養志云乾隆五十九年奉題

旌表訂舊志祠祀

孝行附錄

黃廷誥字君耀北關人父避寇受雨濕得暴疾廷誥日夕侍月餘無懈容母病有醫治罔效禱於神夢神告曰欲

石城縣志  
復汝母明療以汝股肉遂於密室割股和藥進數月果  
復明舉家無知者妻覺偶泄之衆視創痕乃大驚邑令  
尚承業以孝感動天匾獎之志

溫元亮堂下人邑增生遭寇警家蕩析負老父遁深山值  
飢疫父病數月不愈父適思肉乃告天地割左股調和  
以進父病旋愈邑令王錫九獎以純孝格天之額志  
溫超後石田人家貧性至孝事繼母得懽心母病百計求  
適口乞屠賒肉不與乃割股進之愈終身色養弗衰邑  
令匾以孝著琴江志

董賽豹南關人業小販母病篤割股肉療之後創病大作

鄰人廉知欲為呈報賽豹力辭乃寢竟以是卒志

楊太誥郭北人其母與弟被寇擄去太誥奔歸寇營計脫  
其母與弟曰願備金贖而自留為質大誥家貧乏母與  
弟歸無所措贖金不至引頸受刃里人為之感泣志

許廷杏字倚雲許坊人孝子泰瀾之子父病膈噎廷杏每  
當飲饌輒涕泣不能下咽人或勸之廷杏曰觴物心傷  
曷能禁也父母卒皆廬墓三年終制乃歸哀毀成疾卒  
人謂泰瀾有子志

熊宗俊字智千鄉賓上相昌人年十四讀書堂下村一日  
歸父督其速往館俊覺父神色不快留侍奉是夜父驟

石城縣志 卷六  
病幾危俊焚香禱天父甦能言踰月而死人以為仁孝  
先知後事母數十年晨昏不間父喜施與俊體先人遺  
志贍荒施棺建亭造橋解囊勿吝舊志

賴世典字經明秋溪松山下人孝由性生年四歲鄰里所  
遺餅菓即能笑奉父母稍長定省不間晨昏一日家被  
火父母未起世典從火焰中救父出父得活邑侯萬以  
仁孝格天獎其宅遵父命撥田租為後學膏火至今書  
香繼美人稱孝道之報舊志

熊燕德字侶雲城內進賢坊人孺慕性成家貧每感古人  
祭丰不如養薄語凡父母所嗜物悉竭力奉進父有瘋

疾一發恒數十日不愈燕德日夕侍床前撫摩不懈親  
歿後逢暴風疾雨必親至墓前告慰人稱其事死如事  
生云待兄弟亦同懷閔切愛敬一堂至老勿衰舊志

賴世池字砥懸石中里下羅圍人父性嚴有瘋疾池善色  
養日夕撫摩不倦母疾疾池口味鹹淡以告醫者二親  
死哀毀骨立後逢忌日輒哭不能食行年七十如初合  
邑贈匾曰孝深孺慕舊志

陳國春字有梅石中里陳坊人事親恒得歡心幼失恃依  
父不離左右一日隨父過橋父失足墮國春即躍入水  
繫執父手流近大河值水暴漲迴流泊岸父子俱遇救

得生人以為孝感云舊志

熊宗愿字謹伯監生柏中里上柏昌人曲承親志父病垂危焚香跪天願以身代讀書寧化夜半心動星夜逆歸母果驟病沉重尋醫禱神得愈舊志

黃袍字崇儒庠生郭北迎恩坊人賦性純篤事親極孝父館福地袍從學父病袍終日焚香願以身代病愈諸同學無不感嘆母病數載不離床褥袍杜門不出居家舌耕清苦承歡數十年如一日舊志

賴吉升字蒼儲例貢生秋溪人事親孝養母先亡哀哭幾不欲生父有痰病醫者究其賊淡吉升必親嘗以告事

叔如事親晨昏叩起居維謹又辭父志為同堂弟完娶以續宗桃孝行可風族鄰置匾贈之舊志

溫孝廉字以安監生湖口人事父母有至性先意承志務得歡心親疾則屏酒絕葷憂見容色母歿哀痛迫切一日間鬚髮盡白新舊志

王繼譽字祇先鄉賓唐台人事親服勞奉養無懈志父死墓哭三年母病足出入起居皆繼譽扶持又病目眩醫不效繼譽焚香禱天以舌舐之母目漸明經營家計不私已有悉讓兄弟兄弟亦俱感服舊志

廖開泰字嗣武監生啟運子母跌足痛哭泰亦號哭醫治

石城縣志  
撫摩數月得愈父患背癰膿不乾手不能拭泰以舌舐之及父死哀痛真切不數月成病亦死人以真孝稱之

舊志

溫崇儒字上珍聳岡人性純孝事所後父母無間所生所後父患目疾藥醫不效每夜焚香跪禱一夕大雪崇儒在庭簷久跪父覺之恐感寒疾呵止之則默相禱祝鄉里感嘆事母亦能得歡心舊志

龔懋敬字為臣陳坊人事父母能盡生事死葬之道邑侯余匾贈之舊志

黃金嫩字翠先北關人幼孤事母年踰五十猶怡顏承歡

如孺子莖母過河山水暴漲衝棺覆水中衆奔逃金嫩赴水抱棺號哭須臾水退人柩得全長江倒石下為閩汀通衢父嘗欲於懸崖處開路金嫩承父意疏鑿十餘丈橫濶丈餘費金數百行人稱便人謂其善繼志舊志

溫邦瑞字良英相中里雅儒堂人年十三喪父哀痛不食母諭之曰爾如此復貽吾憂乃遵命進食事母甚孝定省不間晨昏母偶有恙即衣不解帶必愈然後已樂施與不惜鮮推鄉里稱美舊志

賴朝陽字孟賢庠生秋溪人母病衣不解者逾月後事繼母亦如之撫異母弟友愛無間父遭仇誣朝陽瀝血陳

石城縣志  
白當事感其誠遂得釋父患瘋疾常摩撻達晝夜父卒  
寢苦中濕氣復遭繼母喪哀瘠遂卒平日勤襄祠事修  
旁支無祀墳墓鄉族義之匾贈曰孝行性成

志

陳朝仁字有三壩口祠堂人幼失怙善事母母歿廬墓三  
年日夕哀號祖祠祭產經營擴充得行春秋禮亦其孝  
思所致

志

賴德珉石中里廣蔭塘人母沾氣病六年朝夕不離左右  
父患痢親滌污穢奉侍湯藥弗懈弟外質母病思弟珉  
即走千餘里覓弟歸居喪三年絕葷酒里鄰以賴孝子  
稱之

志

賴德懋石中里蟠龍岡人家貧事親菽水承歡父客永豐  
病足莫歸懋聞星往負父回以汗力所獲醫治得愈鄉  
族感動贈以孝行感人

志

陳國鸞字鳳侶鄉賓陳坊人父早亡兄弟五人和藹一堂  
母年八十國鸞瞻依不離左右母偶有疾焚香跪天願  
以身代母死哀痛愴感族鄰每逢父母誕忌必親至墓  
前痛哭如新喪年九十餘不少間邑人稱以終身孺慕

志

賴世巖字魯瞻石中里洋潭人事親孝凡親意款而未言  
者能曲體順承待昆季從無忤色精岐黃術求則應之

不計謝金貧者更捐藥資鄉邑咸感其惠志舊

賴 衡字六持庠生秋溪人少失怙哀痛盡禮母患久病

家貧典產延醫疾必親嘗以告醫者待二弟亦至性

友愛人恒稱道之志舊

賴繼琴字虞桐秋溪人父年九十餘瞻依孺慕恒得歡心

事繼母如所生撫弟遺孤教養成名至性孝友鄉邑無

不稱道焉志舊

賴世官字民師文學秋溪人年十七失怙時流寇蹂躪鄉

村世官兄弟扶柩塋所寇至土工皆避官與弟世美跪

哭求無損棺柩寇感而釋之事母亦孝養無虧志舊

黃永仲字茂蘭龍上里藪墩人奉養父母和顏悅色內外

無間言典已田以葬兄嫂完姪娶以綿兄裔樓垓嶺廟

宇顏圮遷背村石橋坍塌父過其地常太息永仲捐貲

倡修人謂能曲體親心志舊

羅正石字崙山金錢坑人性純樸平居倡率子弟以孝友

羅族數世聚順無間皆其力也邑令王舉以賓筵正不

辭曰吾率性行耳敢邀榮乎晚歲好施與常畏人知足

不入城市三十餘年志舊

魏道誌字儒宗唐台人幼篤天性方新婚遭父病朝夕奉

侍不入房幃如是兩載父病稍間命道誌去道誌常屏

石城縣志 卷之六  
息立帷後達旦不懈待兄弟友愛捐基助田力襄祠祀  
鄉族義之舊志

李仲遊字陞羨石坑裡人善事父母親卒廬墓旦夕號哭  
淚積墓石如血見者異之居貧力勤家號小康析爨時  
以腴產分兄弟尤樂施與凡鄉曲善舉無勿與焉舊志

吳昌瀚字浩亭禮上里上礫人力學能文因父手足痿乃  
棄舉業侍奉左右十餘年如一日母患目疾延治無效  
昌瀚早起炷香籲天以舌舐目積月母目復明人以為  
孝感後因母喪哀毀骨立遂卒鄉里惜之舊志

新增

潘五登場谷人性孝父母死各閭墓三年吸粥面墨此不  
出里巷與人言未嘗見齒人比之子羔王志載類  
傳今採入

黃序字逸上長江人性至孝父病癰瀕危醫言吮去滯  
毒方下刀圭序即就患處吮吸無難色毒盡敷藥立愈  
母病危犀鬚束手序竊嘗糞味苦以告醫服藥獲痊母  
晚年手足拘攣性卞急稍拂意輒加詈人皆不能堪序  
左右扶持十數年不稍懈人皆稱黃孝子云

何世吉何石下人傭力養親晨起備米鹽雜物方出就傭  
晚歸必問安或不豫必撫摩達旦求醫市藥皇皇如也  
同堂兄某老無依日分升合以資養年五十貧無室族



躉其行資以娶生一子縣憲孫獎以額

賴泰旦字聖祥禮上里丹陽人以孝行稱鄉里父病癱經年不愈旦為口吸膿毒下藥始痊初業儒赴郡試聞母染病疾倍道馳歸嘗糞辨色以告醫夜聞鬼語曰孝子也不可崇越翌日母病遂瘳族以其行聞于縣縣獎以額

友恭

明

陳

綱詳孝子

陳

績詳孝子

周

海字滄洲選貢性孝友處兄弟至和人有談兄弟異居之使者答曰胞可同乳可同居獨不可同乎

國朝

黃

鎔贛州府志載孝友詳鄉賢

黃道瀾字仞南北關人爽豁有至性十歲遭丙辰寇變負季弟將走長坊山中炎暑幾渴死於道比長共甘苦同

石城縣志 卷六  
卧起中夜驅蚊挈被無間寒暑讀書為定省計不敢違  
就外傳勵志舉子業勤古學憑几史冊縱橫辨論至疑  
難處不質之師即質於父鉞鉞南昌伍達行高弟也晰  
義偶不當輒設餽饌以自罰一室師友備極性天之樂  
伯兄歿遺腹孤先禽教成名諸生季好外訪名宿家政  
皆其督理及聚首無纖毫芥蒂錙銖語所居之室雋尹  
元貢顏曰怡園後遊姑蘓遇相者曰君友愛氣溢眉表  
必兄弟聯芳至康熙癸巳

恩科言果驗年五十自粵西染瘴毒歸累昏悶床第溺以口  
探其痰彌留之際為誦坡公願結來生未了因句與訣

遂卒  
志王

陳自銓字林村郡庠大琴人博古能文為太史張損持所  
器兄自周弟自鈞同稱色養篤友于怡怡式好自垂髫  
至白首無間鈞亦雅嗜學肄業京監考授二尹以親老  
兩檄不就父福賓晚年瘋疾三載銓偕兄弟日夕更侍  
凡盥沐便溺事必躬親不以假僮僕先是康熙庚戌盜  
結夥夜入宅執其父勒索重物時銓幼周冒死反奪盜  
手刃逐盜左股被創入深不覺柝爨日父以周獨勞家  
政加分腴田二百石周念二弟讀書不事生產讓之銓  
鈞遵父命彼此固讓卒儲為義田癸未冬自周死銓鈞

每夕羅寢柩次突火起母哀瘞在床同壞室門入救鈞  
二女與母同寢處鈞倉皇負母不暇顧二女焚死又同  
伯諸孤以絮衾濡水蒙自周櫬從烈焰中出俱被傷周  
第五子生暉傷尤重一門天性險難中益徵誠篤廷

鄭元修字大爵邑庠生井溪人與弟隆吉字大棟同為節  
丹陳氏子性友愛小時啖果相推讓母分掇乃各取長  
而各業棟屬理財多遠出爵築房屋後以肄業冀晨夕  
得聚首言歡也事母有所供奉必躬親以進母因慟過  
成心癖常發不治徒步四百餘里詣宜黃大華山祈神  
佑經三宿乃返爵家居齋沐設香案焚疏行禱施茶屋

後衢路解行人渴為母卻病果愈錢穀秉掌於棟而區  
畫受裁於爵有不當意兄執而弟忍怒過而和見一飲  
一食不逮必不先兄去世歷有時語及手足不禁淚泫  
泫下各舉一子告誡督課無分毛裏閭內被化翁然如  
一厥嗣紱先咨若皆不失父風鄉里羣以孝友歸之同  
居至六世家口繁衍始析爨廷

熊承繹字殷士邑庠生城內人幼出繼伯父以孝聞繹行  
三同懷性剛繹循循恭順至老不衰祭產數百與二兄  
作三股輪收不以出繼得半為辭也祖之祀為生息起  
祭操行端方治家以朱子格言為要臨終焚券七百餘

金廷

熊 鑰字鳳山邑庠生進賢坊人事親孝處兄弟以及恭財物推讓不為己私長兄病日夕禱神廟以身代及兄死哀號之聲感愴行路撫教孤姪過於己子或異之曰子之賢不肖命也若兄子失於撫教則無以見吾兄於地下人欽其言邑凡公事能以公慎任之善屬文尤工

詩舊志

熊達緒字紹鴻國學生進賢坊人起於貧困秉性孝友兄死遺孤廷英資從名師遊既入庠復應例授江蘇吳縣巡檢廷英性曠達官三十年不為阿堵計得以無內顧

憂者實賴賢叔父也達緒視從姪不異己子與人交有一諾千金之譽侃直無私凡贊勦公役竭盡心力纖塵不染邑鄉敬服

舊志

潘大勳字冀喬邑庠生場谷人賦性慷慨事父母能得歡心兄弟友于弟歿哀感行路從姪有以孤託者勳為之撫育婚娶授產無異己子賑荒濟乏焚券捐通人樂道之

舊志

黃 炎字錫臣北關人弱冠失怙哀毀骨立父所遺產悉讓兩兄自以舌耕謀食故宅二處兩兄出售不取分文携妻子僦賃別居一日遠歸路過從弟落魄失所泣然

石城縣志  
弟下即解衣衣之日贍升斗好讀書與從兄立堂相琢  
磨為文揮筆立就尤長於詩舊志

溫廷揚字巨瀾堂下人義士貴稷六子兄弟八人極友愛  
人以為有荀氏風同母兄弟三廷揚居長早失怙家固  
貧兄俱各爨廷揚挈兩弟逐賈以資家計不私己財邑  
中公役屢任贊襄夫公矢慎溫氏為邑望族丁更繁碩  
廷揚能以正直服物故族舉為族正而合族和睦為邑  
所僅見焉舊志

黃世銘字懷新國學介賓北閩人性孝友早歲喪母挈幼  
弟頃刻不離弟不擇即多方以慰之弟體羸弱絕不以

家事屬累或外出數日未歸則終日巡簷寢不安席既  
而弟頊哀號動人撫諸姪教養婚娶無異己子授產則  
以肥腴卑之族里凡有捐助名出己財產而善則歸親  
故嘖嘖稱於人口舊志

姜經恕字公諒監生笑溪人為姜五治遺腹男生纔三歲  
即於母前問父生平母述之哀痛累日事母得歡心力  
田置產以膏腴讓兄自安饒瘠以私財造屋一所費數  
千金與兄弟共處孝友之行至今嘖嘖人口舊志

賴世儀字錫疇石中里下羅園人孝友性成週歲失怙事  
孀母承歡膝下待兄愛敬兄極貧儀苦力創積構屋買

石城縣志 卷六  
田悉與兄均分凡婚娶事件必先諸姪後及己子兄亦  
感動和藹一堂人稱田荆再見志

溫名俊字彥廷國學介賓堂下人秉性孝恭事親得歡心  
事兄盡弟道凡父所遺田產悉聽兄自擇撫姪如己子  
邑侯孫高其行舉賓筵年八十壽終同學輓以範今追

古志

賴昌巡字遠傳秋溪松山下人週歲喪母六歲失怙家貧  
依伯父母居食年十三伯父死昌巡苦力成家與堂弟  
昌駿怡怡肩隨至老勿衰人不知其為異父母兄弟也  
鄉里稱之志

鄧鍾隆字叔良庠生石田人事親孝待弟友撫諸姪如子  
諸姪登賢書八庠序列成均者濟濟一堂皆感鍾隆教  
養之德志

鄧洪猷字江濤監生即鍾隆長子能繼父志敦孝友事父  
事繼母咸得歡心待兄弟怡怡無忤色邑公事解囊勿  
吝鄉里恒稱之志

賴朝正字文彬柏中里高田廟背人善事父母家甚富菽  
水承歡待兄弟甚友愛訓子姪以義方祖先缺祀出資  
捐助族人悅服贈以宗綱丕振志

賴世甲字國榮石中里下羅圍人家貧事父母竭力承歡

兄弟五人世甲居次事兄恭撫諸幼弟教養婚娶悉資其力辛勤苦積置買田屋讓兄弟自擇待諸姪無異口子祖先祀田獨力擴充橋亭大路慷慨不吝族鄉咸悅置匾贈之舊志

溫雅煒字傳午監生堂下人幼篤至性過父小恙即憂形于色終夕不離寢次兄弟推有讓無田園自擇陋瘠者待友久敬弗衰與陰瑞文吳錫五諸貧士交病篤猶囑諸子曰善待吾友督課子姪綦嚴延師備極禮敬故列膠庠者衆舊志

溫廷揆字濟川廷揚弟監生少孤嗜學兄弟友愛極得親

歡有寡孀繼子不能具養取給廷揆五十餘年嫂貧而寡亦如之好周恤鄉曲被惠者甚衆生平謹飭不妄言然論古今史事娓娓不倦常曰學不經世奚為也間作五七言詩亦警秀 學憲曹匾贈綽有士風舊志

陳雙蓮字濬川監生陳坊人讀書能文事父母以孝聞事繼母亦如生母兄弟四人次弟繼叔父早卒蓮將次男繼之教養成名三弟亦早卒無嗣弟婦孀居貧甚蓮將四男繼之維持教養至於成立舊志

吳信崇字禮先面坊人四歲孤即哭踊如成人事母盡孝養伯兄早世哀痛如父歿仲兄家口繁以寸積維持之

教子姪以耕讀為本子中彥為邑諸生宮牆有聲志  
廖光斌字宜忠小松人孝友性成祖外出同父尋歸怡養  
元年父病日夕床側數月衣不解帶家貧力勤積創兄  
弟四人食繁分晰屋產任弟自擇弟亦感戴友愛一堂  
至今鄉里稱羨不置志

賴應思字學兼監生長溪人稟性淳厚事親恒得歡心待  
兄弟友愛建橋修道人感德邑侯孫以齒德孚鄉獎  
之志

范文鎮字毅山鄉賓東勝坊人母先亡依父不離左右事  
繼母順承無異生母待兄弟友愛先業儒蹟於試棄而

業醫有所得公諸兄弟不稍吝康熙己丑時疫流行文  
鎮開局助醫藥活全無數邑侯陳獎以匾雍正甲寅年  
路拾白茅塘陳某遺金二十兩慨然還之鄉邑高其行  
呈邑侯楊舉實送志

溫立滋字茂先長上里坑背人幼失怙恃事祖母能盡色  
養常以不及事父母為恨每逢父母誕忌必詣墓所泣  
奠處兄弟友愛一堂他如勤先祀敦族誼郵寡撫孤排  
紛解難類多善行族里重之志

溫貴湖字瑞宗石中里檀樹下人秉性溫醇事親能體志  
無違待諸子姪至性關切業精岐黃過里中時疫製丸



石城縣志 卷六 人物志 友恭  
散治之年六十鄉族置匾獎其行

黃建鑲字遇文郭北迎恩坊人袍之子事親以孝聞待胞弟友愛凡嫡從兄弟子姪訓督諄切建祠宇擴祭產竭力經營宗黨中無不敬服焉

張朝仲字海元龍上里唐台人性孝友父沾瘋疾同宿七載撫摩不懈母章氏因長三四子相繼亡痛傷不已朝仲多方承順以冀解慰撫諸亡兄遺孤教養婚娶無異已子鄰里稱之

陳國和字惟貴陳坊人九歲喪父十歲喪母家雖貧兄弟五人怡怡式好年稍長四兄俱亡遺孤姪十數人肩任

婚娶延師教讀諸姪中成名者多勤積創各授田畝宗祠祭產竭力擴充長子貢金臺二三子列成均四子入庠序人稱善行之

賴世延字益遠石中里下羅園人事親恒得懽心於兄道能友弟道能恭自手勤積田產毫不私已悉與兄弟均分怡怡之樂足見天性

陳為祝字嗣融鄉賓陳坊人自少居貧食力不涉浮華事父母克孝待兄弟友愛訓諸子有義方延師訓迪兩利成均兩入膠庠孫復補弟子員為人敦厚周慎乾隆三十六年邑侯張廉舉賓筵儒學劉匾贈德星鄉望四年

捐設本村大橋費貲數十種種善行譽重族鄉志

范 鴻字渭英監生東勝坊人事父母先意順承處兄弟

友愛一堂諸姪數十人携撫訓督無異已子乾隆乙酉

邑修城池總理公慎乙亥南關建橋砌岸捐銀助租庚

子邑造書院踴躍解囊更助出路地基以成美舉志

朱明任字降儒監生北關人秉性正直識大義幼從父質

易得父惟心中年喪父兄弟九人任居長異母弟四視

若同懷諸弟教養婚娶獨力維持子姪數十長幼賴以

衣食後瘋疾手足不能運動始析爨志

張賢傳字有千長上里沉坑村人事親孝待弟友經營祖

祀擴充置產纖毫無私恒為鄉族稱羨志

新增

溫儒基字肇亭堂下人善承親志親意所欲必力致之父

臨終以密友寧化陰某為囑善視終其身有弟三人讀

書服賈各以其材咸教養成立孀妹諸子亦提携備至

其他稱貸不責償資貧苦以醫葯鄉曲恒樂道之明經

劉春魁為作傳

陳崇修字思六國學生陳坊人孝友素著父手足不仁扶

持抑搔數十年不少聞母性嚴毅承顏順志獨得歡心

見季七人曲盡友愛他如立鄉課以勵學創義倉以救

荒置漕田以贍運建石橋以濟行均為鄉里推重

溫文寶字瑞符監生石田人性友愛兄弟四人叔季夫卒

父悲鬱不釋寶為之立繼置產俾皆小康父始釋然生

平助先祭修祠塋立試館急公義建郵亭皆慷慨不吝

贈炙人口

賴春融字彩珍監生小鄉人讀書識大義兄弟四人融嫡

出餘皆側生賴氏宗規庶子不得與嫡長平分產業融

獨曰室有正副子則一也奈何異視卒與三弟均分鄉

黨難之

周慶雲字煥堂監生城內人叔家貧蚤世遺二子無以治

生煥堂惻然曰父同懷僅二人倘諸藐孤不能自立吾

叔其不瞑矣撫養婚娶俾皆成立邑侯李公大謨嘉其

行贈以言坊行表之額

陳宗器字曉初監生白茅塘人事親能色養親所欲為先

意承志母病躬親調護日夕不離兄異母出事之如父

家產分析仍棄不取祭產輪收者諸姪向收亦不甚迫

求遜讓可風少業儒棄而習醫活人不受謝建橋修路

善事不一嘉慶八年捐谷勦匪倡率鄉勇保衛村庄鄉

人德之生平所交皆邑中之學士故子弟漸染雅有文

名

熊先椿字樹年城內人年十九而父歿祖耄母寡同懷弟  
四人俱幼先椿硯食持家上奉甘旨無缺下撫諸弟教  
養婚配皆身任之更又睦嫻任郵好義不倦至今其後  
裔慷慨急公尚有祖風

鄧周伯字藩周邑庠生河田人善承親意年十三聞父曰  
人惟讀書乃可欽敬即勉力就學有名藝苑以兄力耕  
勞苦一飲一食必相偕不敢先嘗推先人意設館延師  
督課諸子弟後皆為諸生伯子立本明經

陳殿文字周弁貢生陳坊人善事其親撫伯兄二孤奉守  
節叔母咸能盡禮外舅無後為捐資祀宗祠族本衛籍  
出運乏貲解囊急公尤善持家政食指數十同費數十  
年少長無異辭嫩行克彰可風薄俗

鄭廷梧字樂謀監生井溪人敦孝友族有幼孤者父憫之  
梧先意承志飲食教誨俾其成立善事繼母篤愛兄弟  
率諸子耕讀有孝友力田風

鄭繩祖字淳夫監生井溪人善事父母兄弟五人有拙于  
治生者推金飲助千金弗吝至建宗祠贍荒穀慷慨稱  
一時

李元珂字盛吾罕坑人萬歷時流寇入鄉父被執將授刃  
元珂奔救哭以身代賊感而釋之拾遺金還不受謝一

二逸事至今猶藉藉人口云

李士律字元修罕坑人束脩自好每于朔望會鄉人士宣講 聖訓十六條一時咸敬信之性廉潔拾遺金還之無德色迄今孫曾甚繁衍云

熊鼎昭城內人善事親尤能曲承繼母意家貧力學訓蒙歲得館穀悉以資弟從師卒成立為鄉里排難解紛侃侃論是非不少阿人亦服其剛直

鄭顯評字元川石上里井溪人家世讀書兄弟七人評以親老棄儒理家政俾兄弟卒業無貽堂上憂性剛直遇事敢言人亦無不心折尤識大義始祖同懷裔孫遠遷

江左墓田就荒評約族人為之樹豐碑置祀田春秋享祀弗替族以公正堪型稱之

李學演石中里罕坑人幼有至性順治戊子寇蹂躪鄉里母子俱為賊執演號泣願以身代賊感而釋之兄業堪與多遊遠妻子饑寒演以所得館穀分贍之適赴賴就院試聞兄病劇即日兼程赴家兄沒後養兄妻子終其身

鄭逢春字惟一監生石上里井溪人父累貲鉅萬兄弟五人逢春佐父經紀不私己財性慷慨尚義族有貸其錢娶婦者負錢不責償友龔某嘗寄銀五十兩無知者龔

石城縣志 卷之六 人物志 友恭  
歿無嗣悉以所寄還其親屬一時咸推長者焉

鄭景瑗字光遠邑廩生井溪人好讀書敦倫紀事繼母如所出有孀嫂遺惡疾母恐傳染命外爨環潛然曰兄歿僅一褲子又俾別宅萬一不諱將如兄何疾之染不染命也卒偕同居至創田以祀祖捐金以葬友人尤義之陳飛鴻字象樞庠貢生陳坊人性謹飭敦孝友父晚歲失明出入扶掖終身不懈事繼母如生母兄弟四人樞上率兩兄事必咨而後行李弟無子先為買妾復為立繼一庭友愛人無間言

廖志耆字朝賓新坊人母晚歲病癱疾侍起居進湯藥無

間寒暑與伯兄相友愛終其身無忤色

李明鏜字元音監生丹溪人九齡失怙家故貧辛勤負米孝養母氏比壯起家與弟均分財產不以己獨任勞而有德色也好排難解紛侃侃論是非人服其剛正

文儒

宋

溫 草字廷斌柏中里堂下人事實載通志祀鄉賢張尚  
琬曰廷斌隱窟雜志惜俗傳刻本未全其論四六文云  
用經史全語又須詞旨相貫若徒積疊為奇乃如集句  
矣又言仁宗封皇女用唐明皇故事不以郡國名及辨  
趙德麟諸誤知其宏雅瞻博當列儒學之林舊本以進  
士不第碌碌位置茲特表而出之

朔州府志

明

溫 寧字子康石上里聳岡人領永樂庚子鄉薦讀書深

山中有司慕其高高欲見之則稱疾以辭與廣昌何椒邱先生善椒邱少所推服惟讀寧文歎賞不已志

熊懋官字思守城內進賢坊人六歲而孤苦志力學萬曆乙亥以選貢入南雍明年登京闈鄉薦選銅陵令復除浙之慶元皆有治聲踰年轉漳州別駕歸而閉戶讀書一意修詞力追大雅所著有蜚口錄一籟稿青箱遺篇

通志祀鄉賢

熊申字休甫邑學生懋官繼子性行高潔淹貫經史填詞度曲彌擅風流少以世誼為同郡謝鳳詔方伯所器廣昌何觀我叙其詩餘有云休甫才無所不可亦曰其

餘云爾其見推慕如此志

國朝

陳露字子文以明經馳譽文壇丰骨峻厲淹雅宏博初

修尚志義例頗嚴所作引論雖有瑕瑜不掩然揚芳擢藻不失才人本色重修董志時值兵荒不足展其底蘊無怪也郭志雖名列纂修大抵言人人殊改竄原志良多觀其自占有云周郎十字徒翻破畢竟琵琶兩字難又曰大勢文開鄉愿門秉筆之難此其先驅也志

黃韶字球坊邑學生迎恩坊人幼聰穎力學與兄新及



文秀麗蒼勁如入鄧林靡所不具

鄧永錫字爾極龍岡人歲貢生性和介不隨俗俯仰順治  
己丑寇焚掠城中永錫屋燼結茅奉母以居時婺源俞  
塞訪姚江傳習錄於閩書坊過此與談理學大悅遂訂  
交贈以詩曰縛茅當瓦任參差中作家園薄可知嗟母  
病辭庸俗飽喜兒貧對聖賢饑塞主邑令董西席以永  
錫言于董董欲其一至不往家貧以館穀治生邑先達  
多遊其門其教人也語讀書則曰不在紙上陳言有心  
悟者無不可語屬文則曰當無入俗氣語歌咏則曰在  
有元趣得不解之解於言外者為上乘一子聰慧早夭

嘗自歎曰大程夫子尚且無兒吾何尤乎以屋基助祠  
為立七世祀年七十九卒族戚哀其無後選族子嗣之

趙

黃道漪字楚波號立堂以才名著年九歲能文讀書務實  
踐室側築小軒藏書萬卷兄弟切劘自相師友晨夕定  
省善逆父母意旨頤養不惰居喪盡哀仲兄慎菴游粵  
西受瘴厲歸疾革痰壅湯藥不可下道漪以口吸去邑  
中稱孝友者為首屈一指令新蔡清慎子諒民翕然以  
治性耽於學為令踰年快然曰平生學問一經敷施終  
覺未優豈可已耶遂請改補上高教諭日以經史課士

歲再週以病告歸詩文汪洋奇肆極得子瞻真諦五七  
言近體詩尤鍛鍊精工盱源黃嵩甫叙謂初時如出水  
芙蓉繼若清秋矯翮其嘉賞如此志狂

潘國逢字斯原乙卯舉人場谷人十歲喪父作哀輓詩如  
成人事繼母以孝聞恭於兄愛異母弟無異同母會聞  
兩存不售意殊淡然肆力詩古涉筆便清雋出塵行卓  
書饒有別致為時珍貴旁通堪輿易卜無不精卓絕跡  
奔競義不苟取其文行高潔推重士林馬志舊

賴昌駿字適聲邑文學秋溪松山下人歷世書香善文章  
敦品行九齡而孤孫供子職恒得耄祖歡心事節母至

孝待孀嫂極力維持嫂家亦享小康撫兄二孤無異己  
子更誘掖後學樂育為懷室側構書齋凡俊秀而貧者  
栽培雨化不計束修以詩禮訓子孫一門皆成材文章  
品行州憲甘顏其堂邑侯孫誌其墓志舊

熊霖字雨田廩膳生城內進賢坊人貫通經史能文能  
詩能字更能淑己淑人教育門下士以身為則邑侯趙  
恒欽仰焉贈以律度留輝志舊

陳常字警萬城內學上人歲貢生兩舉正賓選授南康  
府都昌縣訓導勵志經史文章大雅十六歲父死家貧  
事母極孝年七十餘恒在母前怡顏承歡撫養兄孤偕

與同爨臨終囑子文學玉輝曰是子吾胞兄後一人耳  
須善視之教育門下文行兼勉邑成名者半遊其門志  
熊之琦字次韓歲貢生進賢坊人學院王稱其文藝清真  
雅正足為多士式品行端方足跡不入公門訓門下士  
以立品為先遊門者多知名士志

黃之佐字公輔歲貢生北關人幼聰穎務記覽經史諸子  
百家悉通究文高古清脫詩亦雅健追盛唐尤工書法  
平生和介不事干謁當事重之舉賓造者三志

熊元善字介五文學進賢坊人幼失怙事寡母盡孝淹通  
經史善詩古文詞揮毫立就曾遊都下諸名流咸推服

之歸里後才思益放草書亦逸俊動人志

溫輔袞字遜周號補之舉人堂下人事母以孝稱年近六  
旬每夜睡熟必呼母數十聲其終身孺慕如此讀書必  
究宗旨文章大雅詩詞有春氣動人設帳賴城時方觀  
察姚郡伯皆江浙名宿常優禮之乾隆甲子纂修邑志

志

陳同倫字紀昭廩生大琴人寢食經史文亦雄邁詩古岸  
然不襲時蹊乾隆甲子纂修邑志志

賴世美字六裳歲貢生秋溪人與兄世官全父樞人推孝  
行讀書敦品行能文章後學承教者至今佩服志

新增

鄭如璋字特三號耐古井溪人善屬文為督學王誨存所  
激賞太史吳荆山張匠門曾刻其制藝行世性友愛李  
弟有疾為斷鬚和藥以治遊其門者多佳子弟一時有  
霽月光風之稱

王志載類  
傳今採入

儒行

元

胡廉籍失考嘗為吳草廬所知見送婁主簿序中

明

陳二八字彥升號奏夫陳坊人天資超邁好讀易常書瀛  
溪太極圖說於座朝玩夕究盡啟其鑰操行純粹楊東  
里為邑司訓見而慕之與訂交洪武間由明經任福建  
寧化知縣有清政察民疾苦力與祛刷以親老不肯就  
官舍遂乞歸終養膝下戀戀如孺子親死喪葬哀毀如  
禮廬墓三年感深行路時東里官大學士於朝為作純

石城縣志  
卷六 人物志 儒行  
孝傳以開國賢令檄表其堂汪志

溫 宏號石峯歲貢博學能文晚進奉為師表居父喪哀  
戚毀悴至性過人郭志

黃 表字廷詔邑學生幼孤母孀居表感憤力學以承其  
歡母死喪祭盡禮每忌日閉戶哭盡哀郭志

陳天成字石松為諸生以孝聞著書名邑乘裁料撫猶子  
如己出比長婚教悉資其力與寧都盧太常達萬安張  
中丞鳴岡同社絕口貴游汪志

陳 練字正純邑諸生父老病練躬事藥餌出入翼從善  
事繼母庶母撫異母弟如同母喜吟咏邑令黃廷鳳讀

其詩而善之郭志

陳嘉言字猷廷邑學生為人篤實父死庶母別適庶弟甫  
四歲言引與同寢凡給衣食必先足庶弟後及己子孫

郭志

周述稷字作配邑學生篤人倫博古學萬曆甲午鄉闈副  
主考欲元之正主考欲位置諸魁外副不平白留後以  
冠多士遂見遺稷聞之無纖芥不平之氣郭志

陳恂練之子邑增生先字時猷博學多文孝友無間晚猶  
孺慕感蓼莪之詩改字匪莪每舌耕瞻二弟婚養邑令  
尹思敬大見重因建龍門書院以廣矜式出其門者半

邑里文行兼優鄉稱祭酒志

黃嘉謨字人獻號兩溟博極羣書克敦孝友任連州州判

兩攝州篆歸里橐中蕭然以詩禮訓子皆成材加惠後

學領袖文壇邑令徐九行欲申表鄉賢會解任未果志

許仲仁號純我好讀書性和藹天貞不琢一望知為吉人

訓盱江能樹人及歸田安貧課子三徵不就年七十餘

屢與賓筵士類宗之志

李大勳號定一邑學生好學善書教其子皆成材父故事

母盡色養晚年孺慕益篤將貢以母喪哀毀疾卒士林

痛悼志

陳三才字乾所性恬退高尚嘗負笈江南師事某後師貴

顯典試本省以關節致書招才才喟然曰此非士君子

所為也是科竟不赴試後以明經老姪孫明輝明深俱

歲貢亦具狷節家貧授經孝養志

劉仲揚字上聘號海甸邑增生柏中里福村人敦古力學

家窶甚能孝養妻溫氏織紉以佐菽水從遊有貧者館

谷勿問復加賑恤成材之士後光繼美邑令周道行舉

優行獎以經明行修志

陳伯符恂之子淡薄以居博學能文與休甫齊名時藝與

古文並攻胸中富有休甫猶讓之徐公九行荐於子任

石城縣志 卷六  
貌不揚有易之之意後以文事屬俱以四六揮就乃嘆  
版手錄經典粹語左國史漢唐宋迄明佳文細寫蠅頭  
小字十餘帙以其便於行笈堪把玩也志

黎懋椿字大千邑學生性行端飭孝友為一時範邑中知  
名士多遊其門嘗夜發笈數十凡有關忠孝節義者悉  
錄以示及門旦暮則歸侍親先意承旨晚年學益進忘  
怨仇甘淡泊泰然遣放以此自終志

熊尊德字凝之郡學生在庠十八年九試一等家固貧百  
方拮据以供甘旨所得館谷不為己私分給幼弟孝友  
博雅獨恥奔競平生不以一字投公門恒為有司器重

度城金汝和先生聞其文行卓茂重金聘誨子弟會號  
草之交自郡城歸以疾終行優而年嗇惜哉志

黃一棟字聲宇郡學生北關人性仁孝尤篤於義父歿偕  
兄弟送田百石附祀宗祠五服內外死無後者具棺殮  
而塋之時值先師廟公田不備殿廡祭器缺歲修皆  
兩齋師長俸入無幾一棟慨然曰是可委諸異人任乎  
爰捐已田百石以助申明督學詳載舊志學校歷至

國朝康熙年間教諭辜光筠與訓導譚朝侃爭收不平遂送  
入縣收縣歲頒戊祭昨若干元孫軒臣懼失先年祖意  
康熙丙申具呈督學魚飭行更正如初志

鄧林翹字楚羽石上里石田人性介喜讀書家貧教子每以一耕贍一讀皆成材及論劍水不樂仕以順治乙酉歸里值寇掠城鄉罄七載官橐贖其親友鄉人德之敦古孝友無有疵焉卒年七十有四九子二十五孫祀孝賴 瑣字容也舉明經剛方之性清越之才有過人者所著曉博堂諸集與當代名手相頡頏將付梓己丑被寇燬其稿具手眼者咸追惜之鄧

國朝

陳 欸字如容邑學生大琴人有至性尚氣節父卒哀毀骨立己丑寇變兄乾負母匿他所欸携二子勲喜讀書

近寺聞信奔救見門前馬跡蹂躪疑母為賊獲號尋至營父子咸被執適賊夥約攻城逼欸作答書欸弗應賊怒囚之兩月兄以金贖已憂成疾抵家泣拜母半日卒二孤痛傷亦俱亡先是賊寇寧都東龍欸女及姑俱陷賊欸招壻至傾囊以授嗚曰倘金少賊不饜欲但贖爾母毋為吾女念女性潔必不辱賊果索重賞壻只贖母歸女竟死於烈生平殖祀建菴全佃家離婦尤多善行族人義之選姪孫自最繼其子志

溫朝欽字中餘歲貢生父貧實遊學南雍每歲必親赴金陵省起居力學實踐兩存棘闈未售康熙戊午明經當



石城縣志 卷六 人物志 儒行  
廷試以母老不赴先是凡貢期邑例有標木九竿應貢者請於縣縣責里甲辦供泐累上下游七里中貧戶容丁九加抑勒銳當貢不取後永為例生平閉戶不干謁當事渴慕屢以公事請拒不往縣命役趣之復辭役懼責從書室憲檄中瞰床前履在遂跪門外求一至署銳答以禮卒不往厚重簡默不苟言笑間所建白必有裨風教事聞者咸奉為龜鑑好啟掖後進講學一宗程朱歿後無少長頻深仰止次子富訓字教士邑廩生有父風嗜昌黎文多倣其體格與陳達莊黃立堂同迴瀾社制藝力選大雅天真孝友品詣粹然

黃 鑑字于民歲貢生日曦長子性嗜學南昌伍達行授經其家與弟銳均為所器明季富家子多豪俊獨力返古樸氣度沉毅能任大事己丑寇張自盛攻城後餘寇屯踞為害邑民逃散日曦跣足走賴乞師勦寇招復流亡鑑輔往宵行晝伏墮危岸幾斃命逢山賊郭泰伯將加害以計脫卒致賴師城賴安集

黃 新字別仍歲貢生貌蒼骨挺同弟韶以能詩文名有至性痛父歿於寇每忘日輒悲號不自具餐仲弟遭外橫無物以濟為損已囊解之與當事有文章雅好然不干以私生平落落少許可惟鄧永錫甚相契洽永錫曾

新亦產薄不給歲得館穀貲之無倦待人以誠遇不當  
理處不避慙直相告甄別賢否皆能預定天真自適喜  
與樸茂士處若能達子弟即才佳亦不少假色貌豪於  
飲鄉井烹葵剝棗之會從未嘗以事辭草法宗懷素醉  
後臨池恍同張旭故事署其私篆曰漢不慚鉄志

劉 綏歲貢為諸生時以博學知名邑令靳閻然嘗稱之  
云文辭超六朝以上為人有原憲季次之風志

鄧 英字罕傳邑增生性嚴直力行古禮門內雍肅薄世  
俗誨子弟以趨利曰此何用教患太諳耳須曉以倫理  
乃長久得福之道七子六讀書皆成名食餼者三其三

子鍾嶠尤敦孝友登賢書丁巳會試新例搜遺錄教職  
榜以科淺未與選返棹次姑蘓訪名賢購書數百卷歸  
志

黃承振字麟孟號恬居銘長子孝謹篤厚年十三為甯早  
所獲愛其舉止不凡欲婚以女堅辭不就惟日夕泣思  
父母甯母知其意百計解之稍長置挹婦同室誘之不  
為動越四載父以厚幣贖歸閉戶力學食餼於庠衷懷  
坦坦無一薄道加人語邑令某仰其誠慙思以家事託  
之累招不至性淡不屑世榮粗衣蔬食泰然自適好施  
與人以急告輒探囊助遇貧不能償屢焚其券以明經

任彭澤訓導捐修學宮建大成坊復陶元亮柳州

元亮故址

有聲宦績卒於官廷  
黃民權字陶斯北關人邑文庠春和儒雅喜讀書與名人遊評騭古今書數百卷手自註錄吟咏之餘天機自適曠如也少失恃奉嫡母稱色養事兩繼兄及庶兄篤友愛如同懷康熙甲申賑饑奉各憲匾獎邑儒童舊額入泮八名五十八年集同學呈請三院會題廣額事經六載往返郡省都中諸費獨為捐辦鬻產千金雍正乙巳邀恩廣額每歲科兩試加入文章四名皆權力也邑侯朱為舉賓筵歿後邑人祀公義祠廷

陳曰璜字渭徵下坪人邑學生敦孝友能詩文嘗講學至父母之年章即痛哭不能成誦人方為王裒之廢蓼莪規友以義常至面發赤猶未已性更廉介家無擔石絕粒堅餓至三數日不起雖至戚不肯一詞假貸生平以釣為樂清泉白石間人莫喻其趣廷

溫雲嶠字蒼平號半眉健次子家垂禮教氣度端雅博經學善文詞司訓永寧勤於考課先是永士以獲雋少赴省試者十不一二嶠大集諸生具公餞力為勸行是歲果中二人後連科獲雋合邑德之年八十餘解組歸淡然若寒素日臨終自祭以文有曰哀哉嶠子不知不巧

石塘縣志 卷六 人物志 儒行  
與世漠漠又云牛馬任呼唯吾偶吾來不掛絲去不忘  
渠哀哉嶠子之句可以想梗概矣王

陳石來字師麟長樂人邑廩生賦性聰穎弱冠治書經即  
究心洪範理要及辨禹貢河道源流持論透闢多前人  
所未發生平質直端方敦倫飭紀繼母八十餘怡怡色  
養著孝友型家格言數則躬行寔踐士類矜式王

溫繼嶠字金山堂下人邑增生苦志力學以五經補弟子  
員少篤至性居父喪設一木榻寢護靈次旦晚泣血哀  
誠動人三年不入內室竭力承母歡有孝養聲撫七幼  
弟讓產任債敦友誼重宗黨節概高標風格嚴毅過其

有疑獄人陰餌以百餘金堅却之邑推捐潔生平暮范  
文正公有先憂後樂志聚徒講學虔雩湘綿等地遠暨  
閩粵母見陶化六經性理手自鈇釋詳明著春林齋文  
集刻有試草行世王

陳 個字嗣譽號達莊學上人力學篤行矜然不滓家固  
貧絕不以阿堵物動念任德安教諭日進諸生諄諄訓  
課蕭然鼻比洒如也迨告歸年既九十餘矣猶有句云  
歲月恐蹉跎案頭假琢磨其好學如此言行不苟有古

人風舊

熊承統字緒三號立齋義士宣如之子承元之兄性豁達

石城縣志 卷一  
為諸生有聲丙午鄉闈荐於詩三房額滿見遺應例貢  
成均議叙授福建漳浦縣丞去官日邑人祠祀之補任  
江南元和縣丞上游廉其賢檄署睢寧縣篆值歲饑承  
統至任賑貸不做胥吏去官而歸睢人德之亦如去漳  
浦日終補甘肅寶豐丞寶豐地半斥鹵恃惠農昌潤兩  
渠以灌田承統日夜勤勞疏濬封漲修築遂以勞瘁致  
病卒於官巷哭徧鄉邑居鄉平恕公正俱從詩書陶冶  
得求睦婣任恤賑贍施濟千百金不吝邑中言好義者  
以熊氏一門為首稱云舊志

黃先震字子復邑增生終身好學不以外物紛心集先哲

訓誥之粹者為五經解手自贍錄時藝希踪震川屢荐  
棘闈不遇遠近知名之士皆延之西席上下其議論正  
言正行絕迹干謁有澹台風舊志

溫貴樞字乾柱堂下人鄉賢溫革之裔性剛正好善疾惡  
胸次介然而外仍渾厚多幹才廉於取家貧好讀書一  
字一句必窮其奧時藝追踪先民詩古有名家風範學  
使者無不見賞然體善病遂絕意進取以明經終舊志

潘國垣字紫璇邑增生場谷人讀書有器識竭力事親常  
以不順親心為憂見人艱厄惻隱之心流溢顏面不惜  
重金周之每示後進曰為學最要務實知一理則行一

石城縣志  
卷之六  
人物志  
理知一事則行一事自然理與心安無虛泛之病兩存  
棘闈不遇亦處之泰然蓋其希跡先哲不以得失動念  
云舊志

鄧鍾嶠字及民邑增生石田人敦孝友性嚴正家貧好讀  
書寢食朱程族里少年之無力禮師者皆曲意招來絕  
不計其束修故一時之學成名立者多出其門焉舊志

許琮字念亭號南畊拔貢生孰溪人幼孤撫於母性敏  
嗜學書法秀媚希跡趙董弱冠入庠為學使安溪李公  
所器延入幕數月即告歸蓋有白雲思親之意貞成均  
而母卒遂不復進取曰求名本為祿養親死名何為也

肆力古近體詩與黃起亭唱酬為多舊志

賴吉將字寄戎廩膳生秋溪松山下人永元之子隨父讀  
書八歲通音韻所作詩文同學咸敬服稍長貫通朱子  
大全六經子史五試冠軍知名士爭趨其門邑侯陳以  
琴江名材贈之家貧事親菽水承歡處兄弟怡怡友愛  
教子弟經史相傳棘圍三薦未售毫不介意胸次更洒  
如也舊志

黃周字阜成號旭堂城內北關人由監生職授從九品  
性高潔好讀書室右構一小齋寢食於斯至老不輟與  
士人晉接雍和謙抑自下督子姪最勤值家課授餐簞

石城縣志 卷六  
火親董其事晚年喜為詩冲淡老樸人以為高達夫復  
出色侯孫慕其品親枉顧焉厥後唱和為多舊志

陳鼎耳廩膳生長樂人淹貫經史名流多出其門事親以  
孝著待兄愛敬兄死無子命已子承祀又撥己田為兄  
祭掃資文與行咸推重一時舊志

劉華字熙平恩貢生禮上里橫江廟山下人善文章敦  
孝友樂教育從遊有貧者不計館穀且賑恤之鄉邑高  
其行聞于邑侯舉正賓時與燕者咸以為榮舊志

陳崇峻字蘭沐廩膳生陳坊人少孤力學比長能文章家  
貧事母極孝恒得歡心次弟早亡弟婦孀居每年必推

所得館穀維持之待諸姪無間已子尤極力擴充先祀  
性正直不阿遇族黨以事就質者必據理直言無少隱  
其文行恒為宮牆所推重焉舊志

鄭邦舉字遶英邑庠生井溪人事親極孝母病乳癰口吸  
膿血無難色赴顛府試列前茅人決其必入泮聞父染  
疫病星奔回同試者曰文宗即日按臨獲微名亦足以  
慰親邦舉應曰功名身外緣耳倘父不幸抱恨終天矣  
母先逝哭于墓三年不間父死亦然為鄉族所欽羨舊志  
廖日耀字秉彝庠生啟運弟讀書能文事父母恒得歡心  
處兄弟從無忤色士林推重舊志

石城縣志 卷之六  
廖志紹字象賢庠生啟運子勵志詩書常歉然不自足所作文章超然有凌雲概事父母能色養處幼弟讓金讓產宮墻中無不稱羨之舊志

陳國標字翹子增廣生陳坊人事親婉容愉色常得歡心處兄弟友愛一堂擴祖宗祭祀以展孝思族衆無不心悅焉舊志

溫士瑣字國彩庠生湖口人篤志嗜學居家孝友士林稱之舊志

溫言盛字柏堅廩膳生堂下人禔躬正直非公不至有子羽風家素窟曲體親懼居喪茹蔬三年足不及內寢性

友愛伯仲怡怡繩子弟以禮法為文力追先正晰理極精裁就後學先品行而後文藝年七十九卒鄉邑景慕

勿哀舊志

黃之僕字與升監生北關人少失怙從諸兄後極恭謹性渾然不言人短至勵學勸善必諄懇明切壯喜遠遊名山川足跡幾遍所至皆愛而敬之晚年退居山中益肆力於古手不釋卷子二鳳雲鵬雲文皆親為指授俱成器邑廉孫慕其行延至署曰邑有善人為君首屈一指聞者皆然其言舊志

廖廷顯字溢海例貢生小松人杜門好學律已甚嚴事親



石城縣志  
曲盡子道極追遠之誠捐己田以襄祀事好施與樂道人善歎歲有告貸者必竭力分給不望人償或難之日吾愧力不能遠及豈近者敢漠視耶氣度中和人笑之如飲醇醪邑廉寧三舉賓筵舊志

賴 穎字殊卿文學秋溪人英敏異常所著詩文同學咸推服事父母曲盡孝道叔父病痢穎親奉湯藥以盡猶子之職不幸染病而終舊志

新增

潘龍會字青巖廩生賜谷人舉人國逢長子性端方勤樸舉族正數十年內外咸畏服中歲遊學荆楚歸悉老父

容安徽愀然曰吾曠子職二載矣今又遠隔可乎徒步走數千里迎歸善誘後學能者偕之進取不能者教以持身涉世俾皆成立嗣子夢熊夢燕為名諸生孫曾濟濟善繼書香年踰六旬及貢而卒人惜之道光三年邑修尊經閣等工其裔於祭餘捐助貳百千文上憲獎以義士祀尊經閣右祠

潘夢熊字首文邑文學孝友飭躬守祖父無害人存元氣六字家法遇親族子弟教誨不倦且曰吾所贈乃生平受用不盡者也家產極薄而硯食外毫無所取嘗有賄以金者拒之曰利己害人吾弗為也年八十南城潘太

史杞壽以見利思義區額越六年卒遺命曰庭懸之匾汝曹當謹誌之至今子孫守義方弗替云

劉中敏字勤英號竹居優學生霞湘人博通經史工詩古文詞鄉試兩存見遺生平品行端方孝友克盡善造就後學胞弟雋恩貢男正育拔貢孫登選文庠

鄭廷基字周鼎邑庠生井溪人父病侍奉湯藥經年不倦事繼母如所出督諸弟耕讀甚勤諸弟感之負未橫經各皆成立

鄧立本字慕田歲貢生河田人性聰穎工制舉業試輒高等遊其門者率多名諸生生平孝親友弟端重和厚恂恂有儒者風漢興國縣訓導未任卒

溫儀字雨邦邑廩生湖口人好學深思為文力追先輩嘗就試一破四十餘字咸怪之使者深嘆賞拔置第一性尤孝父或盛怒必碗容以解甚或長跪終日必得歡心而後已年未五十而歿士論惜之

武畧

宋

陳皓字彥章勇力絕倫智畧輻輳特郡邑多草竄監司  
郡守聞其名辟署本邑尉遇警所向輒克建炎末巨寇  
李敦仁嘯聚數萬連破贛諸邑復鈔廬陵臨川建昌長  
汀邵武諸處皓密往長汀募得壯士數百人還集鄉丁  
數千約會下河巡檢劉僅令子敏伏兵北鄙皓鼓衆先  
登與賊戰前後夾擊斬李世昌生擒李世立遂復石城  
進取寧都擒李敦仁等諸邑皆復帥守列功狀特授承  
信郎石城縣尉秩滿移興國又平梅先胡寶鍾高羅洞

天等賊陞寧都巡檢賞不酬勞罷歸田里卒以子敏貴  
贈武義大夫王

陳敏字元功皓長子身長六尺餘精騎射歷閣門祇候  
時閩地多寇置左翼軍以敏為統制漳州駐劄敏分兵  
扼要害盜發輒獲贛州齊述據城叛嘯聚數萬將南寇  
敏聞之不俟命領所部馳七日徑抵贛圍其城踰月朝  
廷命李耕以諸路兵至破之累功授右武大夫封武功  
縣男領興州刺史召赴闕高宗見其狀貌魁岸除破敵  
軍統制毋憂起復以所部駐太平州紹興三十一年金  
主亮來攻成閩為京湖路招討使以敏軍隸之升司馬

統制軍於荆漢間敏說閩曰金人精騎悉在淮汴都必  
無守備若由陳蔡徑擣大梁此救江淮之術也不聽從  
閩還駐廣陵時金兵尚未渡淮敏又說閩邀其歸而擊  
之復不聽遂移疾歸姑孰孝宗即位張浚宣撫江淮奏  
敏為神勁軍統制浚視師改都督府武鋒軍都統制朝  
廷遣李顯忠北伐浚欲以敏偕行敏曰盛夏興師非時  
且金人重兵皆在大梁我客彼主勝負之勢先形矣願  
少緩浚不聽令敏屯盱眙顯忠至符離果失律敏遂入  
泗州守之金人議和詔敏退守滁陽敏請於朝謂滁非  
受敵之所改成高郵兼知軍事與金人戰連敗之乾道

元年遷宣州觀察使召除主管侍衛步軍司公事居歲餘敏抗章曰久任周盧無以效鷹犬况敵情多詐和不足恃今兩淮無備臣乞以故部之兵再戍高郵仍請更築其城乃除光州觀察使分武鋒為四軍升敏為都統制兼知高郵軍事仍賜築城屯田之費敏至郢板築高原皆增舊制自寶應至高郵按其舊作石甃十二所自是運河通泄無衝突患四年北界人侍旺叛于漣水軍密款本朝稱結約山東十二州豪傑起義以復中原上以問敏敏曰壯欲假吾國威以行劫耳必不能成事願勿聽適屯田統領官與旺交通旺敗金有間言上知非

敏罪乃召敏為左驍衛上將軍言事者議欲戍守精河口敏言宜先修楚州城池蓋長淮二千餘里河道通北方者五清汴渦潁蔡是也通南方以入江者惟楚州渾河耳北人舟艦自五河而下將謀渡江非得楚州運河無緣自達昔周世宗自楚州北神堰鑿老鵲河通戰艦以入大江南唐遂失兩淮之地由此言之楚州實為兩朝司命願朝廷留意及是再出守高郵乃詔與楚州守臣左祐同城楚州祐卒遂移守楚州北使過者觀其雉堞堅新號銀鑄城以歸正人二百家逃歸罷為福建路總管改江西贛州駐劄後除武鋒軍都統制兼知楚州

復光州觀察使卒特贈慶遠軍承宣使

宋史記 鄉賢

按朱翌章貢紀功碑載紹興二十有二年東南第六

將校齊述以八營四千人叛皇帝命龍神衛四箱都

指揮使忠州團練使李耕護殿陛之師致討軍於獅

子岡劉綱以洪州兵駐城之東南崔寧副之張寧以

循州兵駐城之南郭蔚副之張訓通以鄂州兵駐於

北陳敏以福建兵駐於東呼延迪副之鄧酢以寧都

民兵扼水東王應陳修年以漕屬給餉敏築甬道將

畢天未明耕促雲梯天橋徑薄東北隅敢死士先登

諸軍拔甕躍而上賊棄城巷戰敏率眾攻之大捷耕

列功狀以閻敏等各遷秩

陳球材武忠義不媿父兄從父皓討賊李敦仁等先登

殪其渠魁金主南侵從兄敏禦之克復淮蔡隆興甲申

冬敏扼敵于射陽湖球為前鋒郡志

元

劉元杰倜儻有器識少遇異人授以風角鳥占之術因解

兵法至正十二年四方兵戈雲擾元杰憤然起義兵團

結于通天寨據險以守賊攻四旬不破邑人賴之至明

其孫銘安從軍有功為百夫長省志祀鄉賢 并祀義士

國朝

廖國用字柱臣丰上里新坊人幼負韜畧個儻不凡康熙三年甲辰年廿三從戎福州邵武府善騎射副總侯嘉其謀勇授以百總甲寅耿藩叛提兵江西轄令為輔勿聽耿逆敗都統吳妻隨征光澤擒賊首朱天貴丁未六月補授邵武建寧千總戊午鄭錦煽亂山海沸騰攻漳州海澄告急總督姚命往救援圍遂解當事奇之奏其績於

朝乙未正月陞同安鎮標左營中軍守備八月十九獻密計擒偽藩等事加級都司僉書逆党鄭伯化嘯聚數百萬勢極猖獗國用獨拔幟先登犁庭掃穴方樹鉞銀銅鯨

宮密通庚申二月隨師堵勦直抵金廈二門壬戌三月大克奏捷署都督僉事調興化鎮標左營中軍守備癸亥六月奉令配航東征自六月十六至二十日攻克花嶼猫嶼等處三十六島殺賊一萬四千餘名八月進撫臺灣任鎮三年丙寅欽奉

上諭部議靖海有功人員應加十九等戊辰頒給左都督給一拖沙喇哈番仍帶餘功六次軍功紀錄三次

請封三代世襲一次明年己巳奉

旨准授江南提標前營管遊擊事庚午春奉昭武將軍楊委任吳淞參將印務冬十月復奉提督金帶理福山遊擊印

務以德政著軍民勒碑留題甲戌四川提督吳保舉詣  
京兵部帶領暢春苑引

見騎射

聖祖仁皇帝溫諭記名丙子二月遵

旨押運出口催餉修路出使和爾博十八台地方征勦葛爾丹  
加三級兼准幼男期恭監生一名丁丑秋松江本標官  
民隊且呈送錦繡千金衣套戊寅五月陞廣西提標前  
營參將兼理中軍印務給一世襲拖沙喇哈番仍帶餘  
功六次軍功紀錄三次癸未五月陞江南督標中軍潯  
州副將未蒞任六月二十二卒於署年六十二

義士

宋

陳

皓  
詳武畧

按舊志擬特祀明知縣倪望宋縣尉邑人陳皓郡守  
聞皓賢俾攝縣尉其勛績具載武畧竊謂皓知兵合  
變說劍超常曾馘偽官不聽鄰生之說復殲劇寇頓  
成背水之勲抑且裕後以光前洵是志家而狗國賞  
功失懋蒸祭宜隆因循五百餘年義氣猶留今日允  
當特祀用表前徽

賴源重字遠翁秋溪人真宗時土寇擾亂下水教里受其



茶毒源重傾賞數百金依山阻險團練鄉勇遠近多設  
金鼓賊至先發鼓為號彼此助擊聞鼓聲則知賊退回  
守本村其米糧告匱多取給源重賊圍數月解去遠近  
俱獲寧字義祠

元

劉元杰詳武畧祠祀併祀鄉賢

黃志堅字堅庭北關人器量宏遠勇於倡義家富值元末  
亂傾貲團練鄉勇守禦城堡邑藉又安明初以調琴里  
腴田三百石贍太極觀羽流義方訓子著名當時里人  
進其德祀於公義祠舊志併祀書院

明

胡莊詳鄉賢祀祀併祀鄉賢

黃暉字友玉號玉庭志堅長子養高不務時榮事親以  
志弟之官後服勞獨任常竭已賞妻曲承歡父所施贍  
之用半屬暉業周恤鄰党不可枚述有父風焉祀公

黃昭字友菊志堅次子篤志力學侍父兄恂恂孝友永  
樂中以明經佐治粵東新會有聲官績歸里後常解囊  
以甦貧者父子兄弟間人稱黃氏三義云祀公

國朝

陳福賓字嘉賓大琴人師仲孫與從弟福鯤均為孤子相

友愛合食同居數十年慷慨好施與族戚貧乏者悉藉以全婚嫁創祭產義田義學義塚費數千金三建石亭於要路贍租烹茗行人稱便又嘗以多金置族子田價未入田半為水決或語族子亟取價族子曰長者不予負也賓果全數償之其素為人信服類此舉賓廷王志祠祀

陳福鯤字子鵬福賓從弟敦本睦族訓子孫以孝弟為先尤好周人之急康熙丁丑甲申兩歲大饑賑穀千餘石倉贖買穀接濟復置義田以備凶荒遊崑山有金客共寓中蠱毒鯤覺強同寢處以藥甦解客出金之半以謝却弗受遠近義之邑侯萬以善行可嘉願其閭舉賓廷

王志祠祀

黃日曦

詳鄉賢祠祀并祀鄉賢

張立本字原枝篁竹村人僮仗義順治十三年丙申寇掠其鄉子女賣產贖回越後康熙甲寅秋閩寧黃二賊復統眾攻城至九月不解立木傾資糾集鄉勇數百人援救抵城恰遇寧協管天祥至合擊賊敗奔城得不陷戊午大荒民飢施粥經月全活甚眾厥後地方稍靖開設義館以惠來學修橋造亭至老不倦當事嘉其行三舉賓廷乾隆三年題

旌

王志祠祀

張立舉字羨生立本胞弟少有胆畧以俠聞甲寅閩寇猖獗弟兄致力破賊全城奪回俘掠子女金帛訪其里居姓氏分給送歸好施濟凡有裨地方事輒傾囊以資更察鄉閭有朝不謀夕以粟米給其家歷始終如一邑舉賓筵乾隆三年題

旌

王  
志  
祠  
祀

張立奮字九萬立本堂弟性豪邁好赴人急容華亭歲飢有鬻子以養母者貸以貲完其骨肉地通閩遂藩餘覓肆掠城鄉奮築土堡給貧人衣食兄弟相率固守間於要道絕賊去路賊自是不敢逼城署令李德明以千古

義門顏其閭更多造橋亭以便行路舉賓筵乾隆三年題

旌

王  
志  
祠  
祀

尹良相字玉輝石中里大奮人好讀易精六壬禽竒康熙甲寅寇警保聚石筍寨為邑犄角丙辰春三月蔡賊據城外北郭旦夕攻擊城危甚署縣李德明集士民迎良相相至即擬尅日衝賊營邑人多疑之相以家口質縣署先以計去賊大砲逃親信健丁數十人為前鋒鄉勇繼後賊大敗焚去所據郭北房屋轉據西關厨嶺乘高瞰城火藥飛矢交集城中相復用計擊破甯賊復據攀

石城縣志 卷之六  
桂坊南關幾陷相屢出奇計戰無不利夏四月二十六  
相以謀知五更於城不吉令每更加長方轉四更天已  
黎明賊大驚詫又得畢佛壓死賊魁遂解圍去城賴以

全祀公

畢佛字西有康熙丙辰三月耿逆黨蔡賊驅眾數千攻  
城逾月寧協救援不至居民自為守禦四月二十六四  
更時賊計急攻砲矢如飛擁雲梯逼城堞有一驍賊呈  
祝額姓沈者手揮兩刃口啣一刃乘梯登城守者驚竄  
佛為鄉勇分守堞口無計抵敵遂與黃金璉温赤同肩  
堞上巨石壓折賊梯驍賊死城下頭大如斗佛探看為

賊砲傷頭血髓併濺臨死猶嗚曰吾矢死以報邑王爾  
等謹守城堞無為賊所乘遂絕李署任厚殮親祭邑人

祀於城東忠烈祠題其主曰全城義勇祀公

黃金璉字文器北關人休丰而矮多鬚鬚驍勇善走康熙

丙辰寧寇擾亂南關外等處金璉為鄉勇攻剿累殺賊

四月汀逆蔡至與寧合圍城金璉分堞口守禦與畢佛

温赤同肩巨石壓斃驍賊旋探視被砲傷頭顱死祀公

温赤字漢高負力敢戰康熙丙辰為鄉勇分守堞口賊

乘雲梯攻城赤與畢佛黃金璉併力肩巨石壓賊賊斃

中砲死署縣李以禮殮祭一如畢佛黃金璉祀公

游

鼎字鼎卿大畚人身長色鰲黑好勇敢戰康熙丙辰

四月寧蔡屯營西北郭署縣李率民兵出擊鼎橫槊挺

前與賊戰乘勝追至李獵石下時眾先入城鼎孤為賊

獲支解而死與上畢黃温三人同祀

祀公義祠

温武繩石上里聳岡人甲寅寇圍城武繩竭力守禦衝陣

斬賊賊乃退後攻通天巖為銃石所傷猶手刃賊數人

力盡不敵賊支解其尸竟無子通邑嘉其義勇於聳岡

水口建祠特祀勒石志功起

熊尚遼字公望歲貢生性剛直讀書尚氣節康熙甲寅去

月閩藩耿逆令偽將賈振魯寇石城寧化流株坑賊黃

冬生為寇鄉導遣人持書脅降詞甚背侵邑紳士會議

見書股栗莫敢言拒寇者遼奮筆屬草按大義數其叛

逆時有同議者遼止之遼曰公等畏死耶名載予一人

足矣遂書款越教月賈寇至知縣寧投印册輸寇賈飲

恨遼回書獨執遼併其子文學光德大德三德至德至

山川背營遼大罵賊賊怒以刑箝其口父子終不屈俱

遇害志

陳自謙字資益大琴人順治乙丑城破四方避難多集大

琴士圍寇夜猝至自謙奮勇血戰自晚至午寇敗走庚

寅寇擁衆大至計戕自謙伏巨砲於楓家嶺轉戰至伏

石城縣志  
所傷謙石足賊首愛其驍勇誘降之謙不聽振臂大呼  
格殺數人死於陣時庚寅二月十二日事註

黃民權

詳儒行祀公義  
祠併祀書院

熊尚進字從先城內人任觀下離城二里許足不入市讀  
書識大義舌耕數十載懇切誨迪不較束修其有貧而  
材者資以膏火一時爭及其門又精岐黃術數以藥物  
濟人口不言償自寇警後家稍落後創積僅田百石即  
撥租二十石銀數十兩為始祖蒸嘗與賓筵壽八十四

祀公  
義祠

黃先履字熊渭國學生北關人生平濟困扶危不遺餘力

本邑陳順夫婦流落廣東十餘載饑餓不能自存欲賣  
妻以圖活履適在潮聞知慘然給以衣糧舟資護歸本  
境復得團聚助祠租以崇祭祀病篤日遺命修理公務  
當竭力捐助賑荒另見旌  
善祀公義祠

熊宏德字宣如從先長子家世仗義幼遭寇警即叩父傾  
家資以贖族戚被擄者甚多康熙丙子丁丑連歲大歉  
斗米二百文賑穀四百餘石居常藉以舉火者數十家  
年七十餘焚里人欠券不下千金曰吾遺子孫以安也  
舉賓筵邑咸推服祀公  
義祠

劉邦寅字立人年十二父德廣肄業鴻石寨因母病暮奔

告父途遇虎虎號避去兄弟十人邦寅居長諸弟教養悉以身任子姪數十奉為師範年六旬外尚未析爨凡族戚勢欲興訟者貸貨排解鄉里見化祀公

賴

最字我惟秋溪人父彝以孝行著最以父外官一切

家政俱獨臂任性豪俠英果賑荒建橋能急公務嘗借貸以周困乏或貽書讓之懼其糜費最笑曰吾惟克繼父志敢以錙銖違義訓乎延師誨子情禮兼備學舉鄉賓力辭不赴祀公

溫貴授字宜尊堂下人性誠篤業儒因貧無以養親遂輟學精岐黃術窮者濟以藥活人頗眾晚年積薄產二十

石見弟窘於債賣之代為清償生平忠信廉介鄉里素重嘗過站嶺亭拾一包袱內白金六十兩候覓者至知為往寧娶親之物還之酬以十金不受其人廣昌羅秀

巖也

祀公

熊瑞德字輯五事父母生葬以禮長兄外出攜姪同居無間言堂弟孤愛如手足叔父邑廩為事繫南昌獄窘困萬狀徒跣奔衛丐納橐餽匝年不懈叔脫歸供給勸慰復列庠序好施與惠聲播近邑祀公

李顯生字茂尚丹溪人家始貧竭力耕種胞兄早逝遺三歲孤并幼女悉為教養婚娶好施濟過人困阮必力行

石城縣志  
周給橋梁廟寺多捐金助田家居常誨子弟曰財者眾  
望所歸亦眾怨所聚毋失人望而斂眾怨則為熙世祥  
人祀公

謝恩科字作元相中里牛嶺人少好義隨父貿易寧化遇  
歲饑即傾貲本數百金買米賑粥存活無算近城十里  
瀾口兩江夾流春漲病涉捐銀三百餘兩鑿石建橋年  
八十餘猶行施濟事不倦祀公

陳二八

祀公義祠  
併祀書院

陳國珖字奇玉陳坊人敦孝友明大義週歲失父旋喪母  
依嫡母如所生委曲順命母性嚴烈稍不悻珖愈加敬

謹跪請再三務得母歡事叔父以父禮且晚叩起居跪  
瑣務必稟命同堂兄弟五人白首無間內戚有貧者多  
方扶翼遂致成家坪山曹某以債逼賣妻珖出三十金  
全其夫婦性寡合遇文士輒折節下之又創闢義館祭  
產公舉賓筵寧化雷宮詹為立傳誌墓祀公

熊承元字魁三進賢坊人例貢生職授州同義士宣如之  
子性孝友急施濟見義必為兄姪皆外官承元怡怡色  
養有勸之仕者答曰臣忠子孝一也有兄姪以報劾  
朝廷吾得勉盡子職富貴之樂不如承顏歡也母年期頤承  
元未嘗日夕離左右膳養扶掖不做婢妾視兄姪事如



石城縣志 卷六 人物志 義士  
已事與人交傾肝胆相示公事公役捐金以千百計橋  
渡郵亭多獨力施贍濟貧賑乏即過客亦必周之故稱  
其孝義者不但一邑云 祝公 義祠

黃世第字步梁例貢生北關人義士先履之子性循謹寡  
言笑不為澆薄行佃有貧而鬻其媪者世第知之贈以  
數十金而全其媪其好義多類此數出錢穀以賑荒巡  
憲未刻石表之乾隆三十年倡修城垣撫軍吳有功永  
桑梓之獎繩繩繼繼人稱其父子濟美云 祝公 義祠

熊恒德字順從進賢坊人孝親敬長敦本睦族稱於時家  
非素封解衣推食慷慨勿吝人尤感之 祝公 義祠

熊承中字友和鄉飲監生進賢坊人事親以孝稱撥腴田  
百餘石為親立祭祀及學租先祖缺祭者捐田助之乾  
隆歲甲申大水冲城首倡捐修銀四百兩他如修橋施  
茶歲費亦無筭急公好義恒邀大憲嘉獎 祝公 義祠

賴顯林字會材例貢生長溪人善事親歲饑輒減價平糶  
邑侯王以心存利濟獎之修橋修城捐金皆數百計撫  
軍吳以功永桑梓獎之先是容漳時有陳姓者以千金  
託其別質無知之者既而其人故顯林以其子母卑  
之其家駭且感其誠篤如此年九十一而終邑侯孫為  
誌其墓義之也 祝公 義祠

黃世仁字勉士國學生北關人循循儒雅恭兄友弟為時  
所稱與世周旋卒鮮尤悔凡利人濟人之事無不欣然  
樂從急公勇義大憲嘉獎祀公

溫必榮字儲先國學生聳岡人具雋才喜施予人有紛難  
一言解之無不心服邑凡大工大役無不捐金倡首日  
夕董事以觀厥成其見義必為才足任事有如此祀公

廖啟運字勝萬國學生新坊人性豪邁侃直不少阿私扶  
危拯急錢物有所不計公事捐助無算孝思追遠擴充  
祭產又警敏好學兼精雜藝嘗以地理日課言人休咎  
無不奇中祀公

陳聖琮字象坤白茅塘人性和謹好行陰陽而不沽名譽  
臨終語其孫宏經曰生太平之世飲和食德急公固其  
分也財物有餘以之施濟是大美事汝謹識之故人以  
為沒受美報亦其實至云祀公

范濟和字仲儒南關人初攻舉子業蹟於場屋棄而業醫  
曰此濟人事也深究難經素問之旨貧者資以參餌康  
熙三十三年又捐米賑荒活人甚多署邑侯馬獎以匾  
聲譽噪一時祀公

賴應麟字聖兆國學生秋溪人素履謹厚好行其德族里  
有貧窘者悉資其周急視人危難恍若切膚故聲譽日

隆人無異議祀公義祠

周健從字循英郭北人樸實無華自奉儉約而施予慷慨一切公事義所宜急者不惜以百十金捐助故邀大憲功垂桑梓之獎祀公義祠

陳世案字恒錫白茅塘人家非富厚儉約自奉節省治家稍有餘則以恤貧乏當時有長者之目後以二百金捐修城垣邀功永垂桑梓之獎祀公義祠

孔興茂字提文均背人睦嫻任恤凡橋亭道路捐助弗吝故人以好義稱之祀公義祠

劉敬敷烟坊人樂善好施捐穀以裕社倉捐金以修城垣

故美譽日歸焉祀公義祠

溫家學字師勝國學生堂下人起于貧困而慷慨好義助租崇先祀捐銀修城垣建書院更捐助田租二百石為院試卷貨凡茲解囊勿吝不下數千金事聞當道大聽其行叠邀大憲獎額祀公義祠并祀書院

陳世正字松輝號直亭長樂人性和厚喜排解居家孝友力學能文兩任山東濰縣縣丞歷署縣事有治聲灘人頌之有剖決如流一塵不染之語以病回籍凡邑中城池黌宮書院之役輸助皆以百十計其他橋亭道路更能獨力修建鄉邑賢之祀公義祠

黃承英字聲遠國學生北關人幼失怙事母得歡心居近  
往閩孔道橋路郵亭無不助錢修建更助租以贍歲修  
乙酉歲被捐穀賑貸己丑復有減價之舉邑凡大役捐  
助皆百十計邑侯以其名請獎于大憲祀公義祠  
溫臣瓊字惟翰長上里坑背人性孝友能得父母歡心與  
兄弟皆克盡友恭讀書不求聞達工書法家貧硯食館  
俸有餘悉以周貧乏故尤見其好義云祀公義祠  
溫家桂字丹植例貢生堂下人愿慤謹厚為時所稱捐租  
以贈橋渡出粟以賑荒歉捨債焚券恤佃周貧德之者  
衆祀公義祠

陳正龍字烈明國學填口祠堂人好施與鄉有貧者分粟  
周之建亭於瑞邑丙申捐資修城大憲獎曰好義可嘉

祠公義祠

溫 剗字衡齋唐開元宰度化有善政民感之弗忍其去  
留家度化講學育村琴與度近剗嘗旅寓見人危急輒  
施予之喜琴俗淳樸囑子姓居此體行其志厥後子姓  
居琴不忘先志凡有捐助善則歸公其後裔繁碩亦積  
厚流光之道宜然耳建書院助膏火併祀書院

熊五郎在城熊氏始祖讀書能文聲名藉藉喜持危濟急  
宋寧宗嘉定間郭北被回祿焚燬數十餘家五郎出資

數百金為遭火者營居度活後得仙侶親授丹方修製  
施濟遠近受惠仙方至今流傳達書院助膏火並祀書院

熊孫韻字協圓監生上柏昌人性孝友慈恭敦厚自奉節  
儉凡賑荒施橋建亭無不慷慨解囊造書院首先捐貲  
二百金好義急公鄉邑仰慕祀書院

熊孫恬字姿靜國學生上柏昌人心存惠愛謙厚周慎事  
祖母父母以孝稱邑侯趙贊之曰慈孫克孝他如施棺  
木修橋道息紛爭解囊之事指不勝屈又捐金二百兩  
倡建書院人欽其義祀書院

羅一瀾字雲生金錢坑人善事節母委曲承顏兄弟三人

分析後兄家計稍困即以已財資之歲歉則減價平糶  
里有貧不能葬者助之建造朱坑橋他如南關洋灘燕  
數武干津渡各處悉捐租以贍歲修故以好善樂施著

聞祀書院

黃肇唐字宗炎國學生北關人爽豁侃直以排難解紛睦  
端任郵稱於鄉里倡建書院縣憲以義士表其廬祀書院

何吉所何石下人性孝友如家貧力任耕種胞兄早逝遺  
二孤悉為教養婚娶更撥田租以助不給時值播遷賊  
寇蹂躪鄉里傾財集鄉豪巡方守禦順治戊子賊寇仍  
蹂躪村鄉吉所又獨力捐金守禦得固其餘建橋造亭

石城縣志 卷之六 人物志 義士  
動必解囊勿吝縣憲嘉其行許舉賓筵院祀書

劉邦貴字景良石澗人淳樸自持助祭產建橋亭修險道  
平穀價濟貧乏皆慷慨勿吝義聲遠播院祀書

龔建智字能才陳坊人秉性質樸事親孝待弟友好義樂  
施凡橋梁亭寺處處捐資恒為鄉邑欽羨院祀書

溫雅瑛字常修堂下人髫年失怙事寡母曲盡歡心自處  
儉樸施與勿吝年至古稀足跡不履城市邑侯嘉其行

舉賓筵院祀書

黃勝字子行北關友玉四子志堅之孫切志芸窻以廩  
生中副榜肄業國子監文名藉藉好施與周恤鄉族中

有貧士可造者資以膏火故藉以成材者甚多人稱其

有乃祖乃父風院祀書

黃士璧字玉輝石中里人好義急公順治己丑流寇擾壤

邑侯董抃選義勇士璧信義服人率領鄉勇奮力禦敵

能破壘奪砲以保城鄉軍憲劉請給千總職銜併置匾

獎之院祀書

新增

溫雅韶字紹堯監生柏中里下柏昌人孝友誠懇鄉里貧

窘者周濟不惜捐修邑城邀大憲亟公尚義之獎院祀書

何忠梧字鳳侶貢生長上里面坊人氣宇寬和善處鄉旌

旨獎

捐修城垣大憲嘉其亟公尚義凡四方修造橋梁道路  
廟宇輸助不吝親見曾元五代同堂嘉慶十年題請奉  
以黃者繁衍匾額賜給帑銀享壽九十有四祀公

黃金嫩見孝行祀公義祠

鄭顯煌字耀堂邑增生井溪人性醇厚識大義叔早卒無  
嗣父欲為之立後問諸子無應者憂形於色煌時尚幼  
曰叔猶父也兒願繼父喜甚遂繼之後析產時仍與諸  
兄弟均分無異辭後卒以讀書起家四世皆蜚聲庠序  
喜慶壬戌捐修城垣大憲獎以尚義可風祀公  
溫上純字錫如監生石上里夏亨人嚴氣正性言論侃直

果決有為處鄉族持危周急捐修邑城大憲獎以尚義  
可風又于本里操場坪建逢便亭以憩行人往來稱便

享壽九十四歲祀公

黃達德字口新貢生石中里長江人寬厚誠篤孝敬親長  
友愛弟姪生平周貧乏修橋渡葺城垣皆慷慨樂輸尚  
義可風上邀大憲之獎祀公

溫雅鏜字韻昭監生柏中里高田人素性剛毅持身慮樸  
善貨殖家業始微終厚捐修城垣邀上憲尚義可風之

獎祀公

張必柱字用廷長上里雲嶺人性孝友勤樸自處誠信接

人一洗世俗浮囂氣縣憲謝重其藹德舉赴賓筵捐貲  
修城上憲贈尚義可風匾額祀公

黃先紳字縉垂北關人孝反自好讀書能文捐銀修城大  
憲獎以尚義可風匾額後因力學致疾英年貴志以歿  
士論惜之祀公

吳大闡字益萬石上里琴口木山人持躬勤儉有先民遺  
風倡首以造船渡捐貲以築城垣尚義可風大憲獎焉

祀公

曾從禮字雅賓國學生龍上里大猷坪人孝親敬長睦族  
租鄰慷慨樂義舉輸租貲書院膏火捐金助修築城垣

大中丞金額曰尚義可風觀察查額曰好義崇文邑侯

謝額曰望重鄉邦屢邀當事獎贈名重一時祀公

熊承持字叔扶城內進賢坊人孝親敬長謹言慎行先世  
仙傳三黃凡叔扶製以活人又曾于城西五里木梓橋

建息步亭迨修城輸銀上憲獎以尚義可風祀公

黃崗格字鳳軒監生捐授儒林郎初業儒以父耄棄而理  
家政家日起父病噎膈三年侍藥弗懈母患沉疴凡七  
閱月禱于天得藥立愈尤樂施與乾隆癸亥歲大飢黃  
坊村人以飢告立發積谷以濟賴全活者甚眾邑令謝  
獎以積善之家及歿宋學博為志其墓祀公



鄧源善字性庵宋儒士龍上里龍岡人秉性醇篤事父母以孝待兄弟以友凡鄉鄰有危困者無論遠近捐資周之後裔繁碩人以為皆積厚所致上憲給丞公尚義匾

額祀公

羅宣鳳字貴祥金錢坑人嘉慶七年修城捐銀二百兩嘉慶十五年又捐租助琴江書院膏火屢邀上憲獎額一

時咸推義重祀公

李時蕃字畿九監生豐上里丹溪人性勤慎善事父母季弟貧為之婚娶遇歲歉屢倡捐賑嘉慶五年大水壞城捐銀二百兩助修上憲獎以尚義可風之額祀公

溫立洲字可居坑背人義士惟翰子敦孝友樂任郵賑荒瞻渡橋亭道路待修者悉解囊弗吝當事廉其行舉賓筵後邑侯謝額曰樂善家風嘉慶中修城其裔以立洲祭銀二百兩金輸助又其子廷勳嘉慶八年亦以出力減匪均邀大憲獎額人咸榮其世義云祀公

溫恭字敬安邑庠生羅奮人學優行篤鄉里推為師範生平見義必為凡拓祀田急公義至今猶藉藉人口嘉慶間有修城之役其裔繼志以先業二百金捐助上憲以尚義可風額獎之祀公

賴成儒字裕綸監生捐金修城上憲獎額祀公

賴富本字一中監生捐金修城上憲獎額祀公

李振宗字啟庵捐金修城上憲獎額祀公

王世美字譽遠捐金修城上憲獎額祀公

李文龍字岳俊監生捐金修城上憲獎額祀公

熊飛磻字衍瀾庠貢捐金修城上憲獎額祀公

熊國祥字躍潛貢生捐金修城上憲獎額嘉慶八年捐金

勦匪又獎義以為尚坊祀公

熊為梅字圭田州同職順親友弟持身謹厚待人誠信捐

金修城上憲獎額祀公

陳鳴岡字乃才監生白茅塘人公正淳樸硯食創積凡祭

之將寢者興之事之難解者排之接人以禮處世以寬

嘉慶五年邑有修城之舉捐貲相飲上憲獎焉祀公

黃鵬字鏡堂州同職敦孝友慎言行樂施與居恒好學

時有斂貲為惜字會者解囊金貳百兩為領袖嘉慶五

年捐金修城上憲獎額祀公

溫掄升字淡常監生湖口人性和厚好施捨與人無忤與

物無爭雖橫逆加而勿校嘉慶五年捐金修城上憲獎

額祀公

陳思龍字素元監生白茅塘人居城市無浮囂氣敦宗睦族喜與讀書人往來嘉慶五年捐金修城上憲獎額祀公

義祠

李時勉字周天監生丹溪人敦孝友識大義凡邑中義舉

無不慷慨仗助嘉慶五年捐金修城上憲獎額祀公義祠

陳貴達字尊一邑庠為奏夫長子奏夫令寧化尊一隨官

獨墨守一編如寒士卒成名諸生翩翩濁世佳公子此

其人歟其裔以祭餘捐金修城上憲獎額祀公義祠

賴泰然字自天捐金修城上憲獎額祀公義祠

賴應茂字滋竹小弼人慷慨樂施平少有老成風度嘉慶

八年捐金修城上憲獎額祀公義祠

黃承千字英甫捐金修城上憲獎額祀公義祠

鄒際傑字奇英捐金修城上憲獎額祀公義祠

溫嘉謨 捐金修城上憲獎額祀公義祠

鄧 洪 捐金修城上憲獎額祀公義祠

黃子端北關人慷慨慕義祖若父曾施田三百石於太極

觀子端頻欵繼志助書院膏火腴田五十九石有奇捐

輸為一邑冠士林頌之撫憲獎以立義興文匾額祀書院

許子千諱晃郡庠豐上里耽溪人好學多才當前明鼎革

時宵小覲閱于千內經畧以保族外禦侮以靖奸名重

一時嘉慶十五年裔孫體先人意將所遺淨租五十五

石六斗六合助資琴江書院膏火阮中丞元獎以立義

興文匾額院祀書

溫淑源堂下人羊之齋夙崇義舉於文教尤兢兢遺命後人凡縣中有關文教事即撥祭田捐助嘉慶十四年議輸書院膏火其後裔遵遺命捐租五十石有奇撫憲獎以立義興文匾額院祀書

溫 訓字衡齋處化縣令見前書院義士

黃承英字聲遠北關人監生見前祀公義

熊先瀾字安淳城內人州同職捐租助書院膏火上憲獎

額院祀書

陳貴興字會隆監生溪背溫坊墩人捐租助書院膏火上

憲獎額院祀書

熊五郎字大理邑庠生城內人見前書院義士

劉明德字叔明為相中里福村之鼻祖有識量多材藝生子七人皆簪纓相望嘉慶十五年其裔孫捐祭租數十石助琴江書院膏火既大中丞獎以立義興文匾額院祀書

陳二八字彥升邑宦陳坊人見前祀公義

潘天賜字東塘場谷人志趣宏遠設學租若干程儀租若干送考田若干延師課讀不惜重資次子時華任福建

長汀縣巡檢弟之子時選任廣東河源縣教諭一時稱

盛及今後裔書香克振嘉慶十五年捐遺租三十石為  
琴江書院膏火體先人志也阮大中丞獎以立義興文  
匾額院祀書

劉恭郎字伯禮禮上里橫江人性恬淡孝友克敦好善樂  
施捐田租以助琴江書院膏火立義興文撫憲獎給匾  
額崇祀書院後裔繁衍為邑下游著姓院祀書

賴景深字院祀書鄉賓小弼人捐租助書院膏火上憲獎額

賴萬懷字院祀書監生柏上礫人捐租助書院膏火上憲獎  
額院祀書

鄭日新字院祀書井溪人捐租助書院膏火上憲獎額院祀書

何承欽字院祀書面坊人捐租助書院膏火上憲獎額院祀書

廖皆堂名選元任浙江東陽縣縣丞新坊人捐金修尊經  
閣城垣志書撫憲獎額

潘青巖名龍會儲貢生楊谷人捐金修尊經閣城垣志書  
撫憲獎額見儒

李紹初名永長監生丹溪人樂治道塗建郵亭其子為捐  
金修尊經閣城垣志書撫憲獎額

許華甫名忠錦儒童耽溪人勵志讀書未三十而歿其孤  
為捐金修尊經閣城垣志書撫憲獎額

潘佑皇名長錕賜谷人為善克昌厥後裔孫為捐金修尊  
經閣城垣志書撫憲獎額

熊亮聲名達鉞城內人篤于孝友其嗣為捐金修尊經閣  
城垣志書撫憲獎額

陳惟恭名權郎授七品職銜大琴人舊志載有明成化間  
捐穀一千石以備賑慷慨士也裔孫以祭產餘金捐修  
尊經閣城垣志書撫憲獎額

鄧叔韜名大材河田人忠厚起家勉諸子力學皆有聲藝  
苑為捐金修尊經閣城垣志書撫憲獎額

溫玉懷名環侍監生高田人捐金修尊經閣城垣志書撫

憲獎額

張永川名成瓏捐授五品職銜楊梅排人年登耄耋孜孜  
好善遇事急公慷慨不吝捐金修尊經閣城垣志書撫  
憲獎額

鄧如玉名成林河田人能讀父書蚤入庠序其子為捐金  
修尊經閣城垣志書撫憲獎額

溫錦成名文章下柏昌人性醇謹尤樂子弟讀書其裔人  
為捐金修尊經閣城垣志書撫憲獎額

賴光字名上選例貢生長溪人捐金修尊經閣城垣志書  
撫憲獎額

熊士華名元璠上柏昌人有至性三歲失恃大母是依大  
母患癰侍奉湯藥撫摩洗滌或吮以口歷久不懈生平  
篤行如此其子為捐金修尊經閣城垣志書撫憲獎額  
許靖宣名思絰豐山人捐金修尊經閣城垣志書撫憲獎  
額

賴拔元名文蔚監生小弼人慷慨好施其嗣為捐金修尊  
經閣城垣志書撫憲獎額

李均儔名元英從九品職銜丹溪人以聰慧聞早卒其子  
為捐金修尊經閣城垣志書撫憲獎額

以上十七人祀 尊經閣側義士祠

隱逸

衷 愉字叔和本姓哀仕南唐賜今姓有學識善真草書  
歷監察御史累官禮部尚書南唐降宋愉恥事二姓棄  
官歸奉母隱寧都東陽巖終身不出歿葬邑北石上里

篔罔 贛州府志

溫 鉞字碧澗明末人少有志操私淑陽明之學不樂仕  
進人勸之就試輒曰著脚皆學問觸手盡經綸何必紆  
青拖紫為榮也淹貫經史潛心著述邑令唐繼顏廉其  
行上之以遺逸徵不赴居恒詩文自娛以隱終焉

徐繼先王齊祥俱太極觀道士宋大中祥符中里有許家  
女為鬼所魅訴于龍虎山張真人曰汝邑太極觀有二  
仙盍自近求之許遂扣觀門見二道人對奕前哀乞道  
人援筆書符于許之掌令往某廟爐內薰之須臾雷起  
廟焚其妖遂息二道人投筆草中即去莫知所之後有  
高于金陵者遇之語曰汝貢吾鄉其利當倍若往願寄

仙釋

劉瑤英秦末人隨父華避亂琉璃山因食異果遂絕粒容  
貌頓改獨棲縣東二十里山常跨一白鶴往來竟仙去

因名其山為仙姑嶺

郭志

徐繼先王齊祥俱太極觀道士宋大中祥符中里有許家  
女為鬼所魅訴于龍虎山張真人曰汝邑太極觀有二  
仙盍自近求之許遂扣觀門見二道人對奕前哀乞道  
人援筆書符于許之掌令往某廟爐內薰之須臾雷起  
廟焚其妖遂息二道人投筆草中即去莫知所之後有  
高于金陵者遇之語曰汝貢吾鄉其利當倍若往願寄



石城縣志 卷六 人物  
二餽首于吾師商登舟引帆睡未覺而舟已至即以餽首俾其師熱氣猶浮浮人始知其為仙去

宋何氏子締婚寧化縣攀龍鄉劉安上之女生不茹葷性慧喜文墨誓勿嫁父母欲奪其志卜吉于歸女勉治區飾俱從素潔聚族導從送之南越境忽一白鷺自空中下女出車乘之而去眾愕莫知所為後里人于飛昇處置祠祀之聞於朝賜名蓬萊陳元興侍郎有詩曰白鷺乘去人何在青鳥飛來信已遙若使何郎有仙骨也應全引鳳凰簫其祠介寧化石城兩界之間

郭志

釋西華名性期本吉郡永丰鄒氏子年二十遊邑業埽埴

有貲百餘金因病謁西華傾貲修葺病果愈遂出家金龍峯旋往雲棲參珠員和尚授心印復回西華募新法像佛殿植引路松數百株邑令徐高其行令主席標峯塔波羅庵至崇禎癸酉還山一日自吟偈曰法身端坐不僵不仆若問歸元彌勒樓閣遂坐化嗚後以石缸盛覆三年開視顏貌如生髮甲加長建塔宇于寺西邊至今不壞邑令孫緒煌顏其塔曰本來面目

詩舊志

興沛號龍山楚人幼出家衡嶽精佛典得心印於竺葵禪師竺葵主黎川壽昌示寂後黎川迎師繼之振錫數十年厭芬慕靜遂游棲本邑之海藏寺指示發明無鈍慧

皆喻之草書詩文別開生面示寂時自為舉火入塔作

偈擲筆趺化贛州府志

報功報恩寺玉林之高足也為本邑温氏子弱冠出家聞

報恩宗法微妙與弟藻菴往參之結制後至維那當機

中節玉林器之授心印既念老母辭歸先是邑西海藏

寺巖洞幽邃師獨棲二年學者聞之雲集因誅茅築室

遂為禪宗之冠贛州府志

藻菴報功弟始從兄參玉林習禪定於報恩既而命之天

童遂依木陳順治十七年

世祖章皇帝詔禪宿木陳乘傳詣闕下時從者為天岸等十八人

藻菴與馬從歸海藏趺化著有牧牛頌十首贛州府志

頤壽 五世同堂附

明

黃士純字柱石北關人年一百一十九歲志

陳字禮上景人年一百零八歲志

賴子昂邑庠下羅園人年一百零三歲志

黃金善字北辰北關人年九十九歲志

黃宏穩字平山北關人年九十八歲志

黃邦禮字西山北關人年九十七歲志

溫汝賤字德甫湛溪人年九十七歲志

黃以常字行所北關人年九十七歲志

黃金質字盈宇北關人年九十七歲志

黃德彩字艷生北關人年九十七歲志

陳成道學上人年九十七歲志

溫洪兆字用昭羅奮人年九十七歲志

國朝

范文星字明輝七嶺人一百零一歲志

陳雲祈陳坊人年一百歲志

陳為學字祇瑞陳坊人鄉賓年一百歲志

陳為蕭字儀鳳陳坊人年一百歲志

陳為貴字爵元陳坊人鄉賓年一百歲志

熊宗彩字煥文上柏昌人鄉賓年九十九歲志

陳自運字泰及大琴人年九十八歲志

李漢卿城內人年九十八歲志

溫富顯字惠先堂下人年九十七歲志

溫簡在堂下人年九十七歲志

黃先騰字聖輝北關人年九十七歲志

鄧端榮字益予石田沙溪上人年九十七歲志

新增

陳生樟字仲英大琴人年九十七歲

張正可字孔行筆竹坑人年一百零二歲

孔子福竹溪人年一百零一歲

按尚郭二志闕頤壽非闕也郭志云宏治辛酉志載  
六人馬得海黃周劉宗吳必顯王永謙張彥餘初欲  
續而廣之紛紛藉藉促筭証以永年甚且戮餘城且  
徒多甲子更証為德與壽兼遂置闕然但壽先五福  
百歲層旌似亦未可遽闕茲定以九十七歲以上其  
闕餘添筭去百歲不迺六闕月以之載志似亦非濫

王

乾隆元年

恩例 者民年八十以上者給八品頂帶

黃麗韶 李漢卿 陳雲駒 熊仁資俱城內 溫子千界竹

黃子占藍 溫宗乾地沿 陳為蕭陳坊 溫惠先堂下 陳先任羅溪

按黃麗韶以下十人其年齒不符登志之例者七人  
然

皇恩浩蕩下逮黃耆曠世榮遇也故書之

新增

恩逮者民肇始于乾隆元年丙辰泊嘉慶丙辰道光辛巳  
恩例亦踵行之

聖 聖相承有加無已引年之典千古所未有也但舊志載沐  
殊恩者十人今則不下數百將書之不勝書矣故第紀遭

逢盛事其人名不復著于篇

女頭壽

明

黃用敏妻陳氏北關人年一百零九歲志

溫超瑞妻許氏石田人年一百零一歲志

溫汝兆妻陳氏湛溪人年九十九歲志

陳福遠妻許氏大琴人年九十九歲志

溫榮勝妻慕氏沿地人年九十九歲志

溫仁和妻節婦劉氏聯坊人年九十七歲志

國朝

廖顯傑妻節婦白氏年一百歲志

熊宏德妻羅氏進賢坊人年一百歲志

陳惟月妻賴氏烏石頭人年一百歲志

溫立澗妻劉氏坑背人年一百歲志

陳行洵妻范氏學上人年九十八歲志

溫肇順妻節婦劉氏年九十七歲志

何餘萬妻唐氏池溪人年九十七歲志

李盛千妻吳氏秀嶺人年九十七歲志

龔有用妻賴氏石中里人現年九十七歲志

新增

溫自嶽妻賴氏北關人現年九十七歲舊志

溫循學妻廖氏聳岡人年一百歲

孔子福妻余氏竹溪人年九十七歲

按頤壽人瑞也志備紀之矣乾隆間

詔天下有五世同堂者由各州縣申報邑有符例申詳

恩賞額者雖未屆期頤亦

聖世仁壽所徵也故編入焉其有無力請詳採訪得實亦

援例附錄

賴其輕字如軒太學生洋地人五世同堂奉

賜眉壽延慶額

何忠格字鳳侶貢生面坊人五世同堂奉

賜黃耆繁衍額

羅正瑤鄉賓金錢坑人五世同堂奉

賜眉壽延慶額

姜大傅字樂旋州同職笑溪人五世同堂奉

賜遐齡綿祇額

陳一峯字騰光邑庠生白茅塘人五世同堂奉 縣憲李

批准未詳

劉朝梓之妻節婦溫氏霞湘人現年八十七歲五世同堂

石坊縣志  
 卷之六  
 人物志  
 方技  
 九十六

方技

尹良相字玉輝石中里大畚人少遇異人授以課術即另

築一室不設戶止留小竇以通飲食精研默探遂契元

妙先是初入室日突有一蛇潛據其內良相不之驅也

并不駭三年後良相出蛇去

詳見旌善後

陳在鐘陳坊人醫妙針法家富好行其德效不取錢尚志

賴勳字集之禮上里秋溪人寫花鳥畫態極妍尤工芭

蕉同時魏石床楊巨源俱以善畫傾動遠邇勳名卒不

可掩其亦一時之能手歟舊志

黃道清字芳蓮見例貢善楷書得右軍筆妙初嫵媚多能



晚益勁健得片紙者如獲珙璧

舊志

黃先宮字肇五監生北關人工寫蘭竹牛蟬性和煦求者無貴賤縱筆揮染人遂不甚什襲至今片紙人爭購之

舊志

新增

賴新字蔚林號曉山監生秋溪人工山水及寫意人物尤善畫松不作拳曲攤腫狀烟雲繚繞秀色可餐奇麗川中丞撫蘓時極相賞曉山性端謹青鞋布襪出入轅戰間絕口不道公事當道以是重之晚年尤為今河帥黎湛溪先生所敬禮其松與分宜選拔萬輞岡上遊之

梅南城选拔吳白广照之蘭竹為江右三絕云

賴裕光字素園邑庠小弼人以醫名邑侯孫緒煌贊以拈來是道觸手皆春并贈以春貯太和額

李僑與石中里罕坑人業儒幼時親病求醫罔效因禱于神夢神示以究心靈素遂精其業而親獲平善今以醫名所著有一中輯畧

黃問津字巨藩長江人性端靜善寫真形神逼肖名重一時後裔世其業至今厥孫彩裳備得家法兼善草蟲

石城縣志卷之六  
人物志  
寓賢  
傳  
冠字子京號寄庵進賢人天啟二年壬戌進士及第  
第二累官至文淵閣大學士予告歸里己丑死節汀州  
先是為孝廉穎郡志作諸生時嘗遊學石城聯坊主人溫養真  
延之為授經師館屏山冠至信宿几榻下皆產芝里人  
異之手書屏山別業四字石扁今存府志載冠作屏山別業記書鏡石今  
存訂穎州府志

寓賢

傳 冠字子京號寄庵進賢人天啟二年壬戌進士及第

第二累官至文淵閣大學士予告歸里己丑死節汀州

先是為孝廉穎郡志作諸生時嘗遊學石城聯坊主人溫養真

延之為授經師館屏山冠至信宿几榻下皆產芝里人

異之手書屏山別業四字石扁今存府志載冠作屏山別業記書鏡石今

存訂穎州府志

按傳冠字元甫進賢人祖烟南京刑部尚書天啟二

年冠舉進士第二授翰林編修崇禎中累官禮部尚

書兼東閣大學士誤判章奏引罪放歸唐王時以原

石城縣志  
官督師巡視江西江西失守寇寓居泰寧被門人汪  
亨龍所執死於汀州血漬地久而猶鮮汀人歎其忠  
氣所致載省志人物

俞塞字吾體號大剛歙縣人少讀書講道不應舉鄉邦  
以學行宗之崇禎末值鼎革即棄家出遊足跡半江以  
南所至多登山臨流賦詩不言姓名庚寅抵石城住東  
門城樓戍卒憎其哦詩聲却之乃僦居山寺逾年董令  
應譽聞而賓禮之留之不可餽以金弗受惟詩文往還  
邑中人士多就教者癸巳入閩海不知所終狂士人傳  
伍達行字拓公南昌人崇禎己卯舉人授經邑中順治間

司教瑞金肆力歐蘇著述之林放縱排界成一家言雱  
都易學實素以文章自雄達行至章貢間一時稱同榜  
二大家象湖士氣斐然興起贛州府志名宦

